

雪門詩艸 一冊



彭雪琴宮保鑒定

雪門詩州

同治十有三年鐫



Faint bleed-through text from the reverse side of the page, including characters like '雪門詩州' and '同治十有三年鐫'.

雪門詩草總敘

風雅始於正極於變至變風之末終以鹵詩鴻飛狼跋所以著文武之德成於周公也變雅始於哀鴻然車攻吉日已爲中興之詩至變之極而崧高以頌申伯江漢以美召武錯綜於桑柔瞻卬之間此以見尼山編詩示人以無平不陂無往不復於風雅次第中明治理不絕於人世也至風雅之次以頌終之蹈德詠仁被之金石此有正而無變矣然周頌閔予訪落乃成王遭家多難而作魯頌閔宮商頌殷武則又皆家國中興之詩蓋古

雪門詩草

總序

今運會之機有治卽有變治其常也變其偶也遇變而懼脩政事以詰兵戎清肅起於朝廷雍熙之象響應卽在宇內焉而草野之一謠一歌遂息息與氣運相轉移其始和聲鳴盛若不知人世有亂離事至遭逢蹂躪痛念時艱而噍殺之音作矣已而撥亂反正兵馬重洗則又爲河清海晏之頌正如春鳥鳴歡秋蟲含怨亦各隨其天機所感而至耳略生於嘉慶長於道光試仕浙江桐廬在咸豐改元時天下重熙累洽士人出處自由其所作詩模山範水吟風弄月而已間有慨嘆亦僅如堯

水湯旱舜苗夏扈無損文明盛治故編庚子至壬子所得爲悠游集至癸丑以後粵寇擾東南延及西北變故紛乘殷憂啟 聖深宮兢兢業業冀拯斯民於水火乃文恬武嬉民繁土雜卒釀浩劫有識者深維我 朝湛恩汪濊大難無不平之理然干戈驟遇心靈撼蕩颺拜賡歌且防叢脞不敢忘危不敢忘亂理也况 瑤 栖遲吳楚目擊戎馬舉凡官吏之是非營政之得失民氣之盛衰無不默識之而徐徐焉以筆墨宣達之自癸丑至癸亥此十一年所得詩題爲蒿目集非 瑤 所深願也時變

雪門詩草

總序

二

使然也至同治改元之二年金陵復兩浙清皖鄂底定 聖天子虔告陵廟遣使祭嶽瀆大封功臣中興武成之烈垂被於億萬年 瑤 以末吏典郡嘉興躬逢其盛自以爲風塵抗走無裨鴻業乃追溯前艱贊揚今美藉文章爲報國資日夜孜孜於一唱三嘆中揆發時政之盛欲使後之覽者知戡亂之由且以明遭逢之幸題之曰上元初集者冀此後長治久安子子孫孫永享昇平福 瑤 得再竭垂暮之精神以觀治化耳合前悠游蒿目集藏之行篋未敢示人而弟子等促余梓之余惟詩學之

不光也久矣尚書謂詩言志孔子以興觀羣怨事父事君爲教而多識列於餘緒則知詩者所以寫身世也古今人各有其身世卽各有關切其身其世之詩而不可稍易際休明時人知作褒美詩矣然褒美而無實直諛詞耳處憂患時人知作諷刺詩矣然諷刺而不當直下流訕上耳至若天涯海角風雨羈愁春樹秋花良辰感興古今景地無甚異而其錯雜之人事斷斷不同以獨處之時地襲古人不能同之詩而貌爲同之誤矣况一身所遭前與後未必盡合強前後不能合之身世拘其

雪門詩草

總序

三

常不任其變以虛與之委蛇亦拙矣吾謂運意措詞宜法古抒情寫景宜從今或歌或泣隨所遭曲盡其態渺無成見與其間庶作詩者如署行義年覽詩者如親見當時事則真切矣夫是以遇悠游則悠游之遇蒿目則蒿目之上元亦悠游意也此吾作詩之旨也弁之集首以白吾志焉

同治五年歲在丙寅季春之月道銜浙江嘉興府知府善化許瑤光敘

雪門詩草

總目

卷一

悠游集道光庚子至戊申

卷二

悠游集己酉至咸豐壬子

卷三

蒿目集癸丑

卷四

蒿目集甲寅至戊午

卷五

蒿目集己未至辛酉

卷六

蒿目集同治壬戌至癸亥

卷七

上元初集甲子

雪門詩草

總目

卷八

上元初集乙丑

卷九

上元初集丙寅

卷十

上元初集丁卯至己巳

卷十一

上元初集庚午至壬申

卷十二

上元初集癸酉

卷十三

上元初集甲戌

卷十四

附衍古謠諺

共一千八百五十九首

男方 藻校字

悠游集敘

大清受天命茲二百有餘年民物豐阜海內又安敲節
儉以培國脉尚慈愛以息黎元巡幸之典停而不舉招
討之師征而不戰成之康之以與天下相培養士生其
間享無事福上者贊揚盛美蹈德詠仁次者流連光景
鏤月雕雲以各抒其懷抱莫不悠揚自得發爲和平之
音况瀟湘雲夢居江漢之上流水清而曲南紀衡嶽又
正麗文明之位滄浪清濁歌感聖心香草美人體變風
雅餘膠賸沫飲吮皆芬其風俗物產不豐不嗇不瘠不

雪門詩草

悠游集序

沃氣得中和無澤國綺羅習亦無關塞慷慨悲歌之概
寬柔不報適合詩教之遺則其地爲悠游地也至若其
人家世生長寒微而高堂傳教貽以一經兄弟無故怡
怡讀書幸博一官又值湖山絕美之區與名都之士夫
相酌集以變其氣質而拓其見聞其敢以酒食徵逐忘
儒生舊業處悠游之時竟悠游聽其坐廢乎孺生於嘉
慶丁丑受學於道光改元之辛巳四月朔是月也五星
聚奎宿天下占文明焉 先大夫國賢公及 先慈張
夫人延師督課伯兄仁甫仲兄次衡亦時購書促之讀

瑤與叔兄力常讀書於湘城東南紫荆山房其地爲東
茆古里面臨小瀛洲頗幽雅年二十一丁先大夫艱
廿四抱騎省戚鬱鬱然廿五試四十賢八賦及秋蘭詩
見賞於南皮張振之錄宗伯補弟子員次年試谷山研
賦及擬西崖樂府得第一食餼鬻宮叔兄力常亦以冠
軍入泮余冀博一科有相者謂余曰君文星雖佳然決
君連三科不能售至己酉當因明經科得官蓬山閩苑
君無望也四十五應防大難余不以爲信肄業城南書
院爲陳堯農本欽夫子所賞每歲一課詩賦四試皆第

雪門詩草

悠游集序

二

一道光廿八年番禺梁矩亭同新宗伯試擬王粲綴珠
爲燭賦得第一次年試復第一果入己酉拔萃科叔兄
亦以是科領鄉薦攜手入都咸豐觀政尚未改元叔兄
蹶於春闈遂先歸時京師因薛執中左道釀案七月試
期文題爲務民之義敬鬼神而遠之詩爲興雨祁祁題
京師近習主試者重詩不重文瑤試後以詩謁各師皆
許必售笑謂中有爲霖任敢辭句恐以讖落縣令已而
覆試於保和殿居第七引見於勤政殿果以縣令用籤
浙江浙江錢漕甲天下自外夷以洋藥專利海內漏卮

銀價驟昂州縣徵收地丁皆入錢賤不抵貴多虧挪庫
欸廿九年 朝廷命戶部尚書季仙九先生清查查抄
者數十員著追者四百餘員梁矩亭夫子勸瑤改中書
不必赴浙曾滌生節相時官少宗伯充是科閱卷臣亦
以官浙爲余慮瑤以親老家貧無可易途此錢塘雜感
湖柳諸詩所由作也然浙吏雖困於銀價而西湖樓觀
尚有南巡舊飾抵浙後官場酬應外覓一二士夫與之
密暇時買畫船游曳於六橋楊柳間登岸尋孤山梅花
探三竺理安各勝心曠神怡亦自不知俗吏之俗也次

雪門詩草

悠游集序

三

年壬子秋出任桐廬桐廬七里瀧束金衢之羣溪錦峯
繡嶺神仙隱君子之福地也出瀧而下山平水遠清於
錢江岸多紅樹鳥多畫簷醉鱗及子陵魚擅美味縣雖
當水驛多迎送煩然畫船琵琶彈於月明風定之天亦
足以怡詩情掃羈思已而伯兄相隨叔兄來晤內子攜
二女詠梅憶梅亦至以官廨作家庭翕然也謂非悠游
之宦境哉二月卸桐廬事居杭州秋闈充謄錄官出闈
聞長沙信緊心以老母在堂仲兄多病日夜望家書不
得比十二月抵滄安任始知長沙被圍確信此身無翼

不能奮飛以後作詩不敢作悠游觀矣計粵寇之禍始於道光廿九年 朝廷命將出師殷殷南顧已非悠游歲月矣然私意以爲小醜跳梁何代無之嘉慶間則有林逆川匪道光初則有回逆夷燬卽吾楚數十年中前有苗逆後有猺匪天生五材不可廢兵使將士能竭力專征上報 聖主旋起旋平之則此粵逆者安知不知人身疥癬宿邪得以宣洩轉使血氣煥然一新哉至養癰流毒日甚一日悠游易爲蒿目此豈孫之始願所料及乎是集分爲上下卷上卷總編自道光二十年庚子雪門詩草

悠游集序

四

至二十八年戊申止下卷自二十九年己酉至咸豐二年壬子止

同治五年歲在丙寅季春之月道銜浙江嘉興府知府善化許瑤光敘

雪門詩草卷一
悠游集
善化許瑤光雪門甫著

庚子年至戊申年止

古
王留古
青
黃
天
山

天下有大道。不付浮華人。古今有重器。不寄衿陋身。水
霜鍊晚節。松柏無早春。鬱鬱河岳氣。挺挺巖廊珍。大材
經哲匠。盤錯出精神。奈何桃李花。東風空自嚔。
理財慎其去。用人慎其來。夤緣斬不斷。比附釀禍胎。昨
日薜荔虎。攀緣上高槐。傷人挺暗刺。壞此梁棟材。惟有

雪門詩草

卷一
悠游集

青竹枝森森。碧雲開修潔。以自好。明月與徘徊。

成○童○受○學○年○耳○識○讀○書○好○吟○唔○鮮○真○味○古○義○驟○難○討○稍
長○誦○詩○歌○風○情○入○花○草○怡○然○感○吾○心○石○破○露○至○寶○情○動
性○自○明○淺○得○深○方○造○典○發○出○葩○經○聖○訓○胡○不○考

舊家湘城東。門對桂花井。地高多靈源。長年汲脩綆。上

倚鳳凰臺。古王留古境。青年少懷感。春天但游騁。蝴蝶

撲青蕪。流鶯喚紅杏。夕陽誰校射。箭叫東風靜。宇宙正

恬嬉。邊廷息烽警。不解戰陣艱。僅學步武整。雍容園林

間。珊瑚銷健猛。安得千萬年。古道留此景。

讀子心易蕩。讀史心易悲。不如讀經訓。語語典則垂。犧
爻象明理葩。詩風可規。四書留治法。三禮樹綱維。周末
出魯論。萬古賢聖涯。學問起切近。義理辨微危。後儒談
太極。好高轉覺卑。我欲呼顏閔。朗誦同緇帷。

文章性情花。益益春心開。羣藝僅灌溉。經訓實根荄。奈
何浮華子。雕琢喪懷來。驚人炫妖電。襲古同殷雷。蘭若
與翡翠。那如菽粟佳。世道日以薄。文教日以衰。大雅誰
與扶。望古空徘徊。

春風無私情。綠我園中草。古聖無私教。開我心中寶。語

雪門詩草

卷一

悠游集

二

默陰陽機。衣食安懷抱。身世協天則。何事窮幽討。我讀
述聖書。鳶魚上下造。那知愚夫婦。知能含至道。下學而
上達。請君問蒼昊。

尼山器量寬。自謙還自任。謙納羣流深。任作羣倫蔭。驟
聞達巷言。射御執不禁。一旦懷鳳鳥。却緬河圖讖。周旋
斯人羣。四海滔滔浸。小儒咋不解。頗訝低昂甚。楚狂可
與言。惜哉趨避噤。

人藏不測心。何處見深隱。城府千萬重。機緘在牙吻。樂
士吐溫。和愁人出悲憤。有意或緣飾。無心孰丹粉。機鋒

酒後多調語夢中近君子知其然謹言行先謹

宦室兒女驕膏梁長其傲詞林年少驕聰明助其耀多
資如象齒多才如文豹矜誇不自抑遺禍誰能料所以
古○干○將○長○年○藏○寶○鞘○
孝○子○象○春○和○忠○節○象○秋○勁○昭○昭○千○古○垂○扶○持○乾○坤○正○遭○
逢○君○父○賢○芳○聲○轉○難○競○冰○雪○躍○鯉○出○風○霜○孤○柏○盛○家○貧○
世○路○難○蹉○跎○顯○奇○行○與○博○宇○宙○名○盍○留○太○和○性○無○寶○山○
嶽○安○無○奇○家○國○慶○

江河抉地文星漢分天章千古文章事實罄造物藏鴻

雪門詩草

卷一

悠游集

三

裳訂禮樂麟里贊羲皇郁郁垂萬古道德日以彰秦漢
踵步武醅厚生喬煌自茲二千年代有作者強小儒不
解事鷓鴣笑鳳凰雕華博科第矜驕步明堂學術坐浮
薄經術彌乖張作偽悉華士誰與挽瀾狂
寶鏡中含光不磨光漸改羣花中蘊香不開香何在吾
心中有靈不學靈不倍兒時誦經史老大發菁采艱難
顯至性蹉跎去尤悔好古參以今迨然會真宰天機在
眼前何必離塵海
風雲會作兩日月交生明造詣可孤往欣賞宜同聲好

鳥亦朋友。奇石聯弟兄。非族能感觸。纏綿且關情。矧一
二知己。肺腑通生平。幸免關河阻。聯茲風月盟。把酒言
心曲。不言心亦傾。歡樂難具道。挑燈共殘更。

湘江竹枝詞

湘水南來灣復灣。湘山杳藹簇螺鬟。漁翁打槳唱歌去。
搖動綠雲天地間。西風五鼓賽香天。同飲南嶽同飲
他家船上飼鷓鴣。我家船頭補網絲。網得鱗魚沒人問。
自家沽酒自家炊。清波遠接洞庭長。大船小船隨流忙。惟有橘洲不流去。

雪門詩草

卷一
悠游集

四

長年淨住水中央。

梅雨連天四月分。抱黃仙洞碧氤氳。試上妙高亭子望。
七十二峯多白雲。

不晴不雨煙霧連。西風正是賽香天。同游南嶽同船坐。
飽啖黃精不羨仙。

讀論語

詞簡味偏長。東周木鐸揚。兒童能誦習。賢哲苦趨跲。淡
淡籠千古。庸庸冠百王。始知論道德。原不鬪文章。

讀詩經

感觸出無端能將國政觀纏綿貫金石正變起波瀾秦
漢無人繼明良一詠難聖賢兒女共選政亦何寬
讀易
借象以明理形形道見天六爻萬一策四聖數千年奇
法仍膚論運歸空舊編後儒休聚訟寡過是真詮

再讀詩經四十二首

向未精研註疏何敢輕說經文惟仁者見仁智
者見智愚者何不許其見愚偶有觸發屬為絕
句前人有有韻之語錄正不妨有有韻之訓話

雪門詩草

卷一

悠游集

五

妄何敢辭要免飽食終日之咎足矣

周召庭前詔鯉為洋洋兩度說關雎岐山聖德尼山教
王化人倫壓卷詩

情○想○當○然○事○不○真○悠○悠○反○側○見○何○人○關○雎○苜○菜○和○平○曲○

泥○解○幾○流○蕩○子○春○

澣○否○私○心○問○答○神○不○教○說○煞○葛○覃○春○請○聽○玉○季○三○朝○日○

世○子○傳○來○口○吻○真○
否字作十成解似呆作揣問解則
喚起下句歸甯得催促之神似活

來○朝○走○馬○至○西○岐○寇○急○搖○鞭○事○可○知○陟○彼○高○岡○尤○顯○佐○

莫○言○單○騎○始○秦○時○

谷風。苞葉定方中。岷與雞鳴。士日擊鼓。風葛履。鷓鴣秦

駟。戰九詩。章法野。鷹同周頌惟有容有疊句魯頌惟閔宮無疊句國風則疊章最多卽

有疊句惟此十詩無疊句幾似頌體

君恩稍失。衆僚擠僮僕。嗷嗷賓客稀。顛倒綠衣黃裏日。

何曾見。愠止旁妻小星比妾是妾稱小之證羣小則包者廣註作衆妾似狹

桃花灼灼。柳依依。疊字重聲。一串璣。最是碩人。犀齒利

參差。燕燕貌。雙飛燕燕雙燕也讀上下韻頗可知註作重言似欠明晰

渭清涇濁。在秦州。淇水閨中。詎遠遊。能救凡民。官樣語。

居然謫宦。訴牢愁。谷風乃香草美人之張本不然則涇渭與衛地不合况凡民二句實不像

雪門詩草

卷一 悠游集

六

婦女口吻

清時鍾粟樂。妻孥比到艱。難內顧。無不避。室人交謫語。

乾坤柱石總心孤。

升虛望。楚降觀。桑大布中興。卜室臧。既景乃岡。同此意。

古人原不恃青囊。

昇虎投豺惡。惡嚴那知相。風語尤尖。詈人至死懲。無禮。

叩脛尼山杖痛砭。

五馬千旗聘。彼妹名賢。儀表美人俱。懷佳何礙。秋風客。

始悟西山選政迂。

文章曲折始鮮妍。衛美齊桓瓊玖篇。三字金丹無限思。

商量匪報也纏綿。水桃美齊桓以終衛詩亦下泉思。霸之思此繼以王彼繼以商同也。

雞棲於桀下牛羊。飢渴縈懷對夕陽。已啟唐人閨怨句。

最難消遣是昏黃。

莫顧歌殘莫我聞。河滄葛藟自糾紛。抵他一幅流民畫。

飽雀飢鳥各自羣。

舒無感悅弁驚。老何異踰牆戒折桑。誘女懷春稱吉士。

風花疑案費猜詳。

齊首雞鳴衛柏舟。二南維鵲應睢鳩。編詩大半房中始。

雪門詩草

卷一

悠游集

七

犧象咸恒一例求。

長繩難繫日。烏傾對酒英雄慷慨情。鐘鼓衣裳謀喜樂。

山樞已肇短歌行。

居居究究古風唐。爾雅曾詳註未詳。狐貉以居羔更儉。

雞豚不察理堪商。

爾雅居居究究惡也。註作均可。憎惡詩註云未詳者蓋以憎惡與下文惟。

子之好語意不屬也。愚意論語狐貉之厚以居。唐俗儉故羔裘以居。居居者如晏子衣狐裘三十年也。究與察同。究猶言察。察亦儉意也。

豚而察察於羔裘。豹袖亦儉意也。

狐裘佩玉渥丹顏。鶉首天宮正醉還。不待六王軍氣墨。早知周鼎入秦關。

同澤同袍意氣誇。贈車贈玉勢豪華。五陵游俠雄天下。遷史猶推劇孟家。

有情鸞翻宛邱游。市也婆娑亦解愁。爲娶太姬歌舞慣。漢唐公主復何尤。

孔嘉新偶舊如何。兒女私情宰相歌。和氣旁流兵氣斂。直從閨閣定山河。

魚麗五什燕筵詞。更犒彤弓敵胤師。朝會君臣賓禮重。笑他杯酒便吟詩。

子虛賦上悔輪臺。羽獵長楊漢火頽。吉日車攻誇搏獸。

雪門詩草

卷一

悠游集

八

哀鴻轉眼澤中來。

庭燎鸞旂魏闕前。雅詩初變早朝篇。商量艾字同頒白。

正是東方曙色天。艾葉面青裏白故五十四日艾言髮色半白也卽少艾之艾當亦形其髮青

面。白。夜。未。艾。自。是。天。未。半。白。與。黎。明。字。相。通。註。作。盡。解。似。誤。

但束薪蒸不束芻。麾肱畢集景堪娛。若評三百詩中畫。

一幅平林散牧圖。

邇言築室道旁謀。匪法先民匪大猶。南渡江山明季局。

佞臣奄寺共春秋。

無拳無勇住河麋。舌吐如簧君不知。近水人情善柔佞。

羣倫藻鑑古如斯
採畢牛箱與斗箕
詩人感觸半離奇
離騷天問從茲出
更挽銀河洗甲時
逃淵鱸鮓戾天鷲
人匪禽魚轉不然
始識桃源原妄誕
民生休遇亂離年
勞者常勞安更安
北山采杞訴艱難
君王嘉我何須怨
功狗西京尚有韓
狐裘薑尾彼都裝
亂後重看士女狂
千古繁華徵景運
結鷄何力繫苞桑

雪門詩草

卷一

悠游集

九

白旄誓衆牝雞晨
牧野檀車肇纘莘
勝國興王俱闔助
民間昏配亦終身

遷岐夷駮蹶生文
肇錫昌名望大勳
縣聽斯干同似續
夢熊鳴鳳瑞平分

文王生有聖瑞古公曰予後世當有

昌者遂名之曰昌王季之立爲此太

伯之逃亦爲此是周之興由文王文王之實由太

王所謂肇基王迹也縣詩以縣名篇有縣長之意首

章民之初生即貫蹶厥生句爾雅釋詁蹶嘉也以動

也蹶蹶敏也故唐風有良士蹶蹶生句古人取以爲

姓大雅有意古人移家築室皆有宜爾子孫之頌檀弓

美之之意終以聚國族不獨斯干之鳥革葦飛終以

輪奐之歌詩與周頌之高山相表裏大王荒之文

王康之祖孫直沆漚一氣其他詩之兼及王季者亦

因而反之也况因心則友則篤其慶明明是王季知

太伯爲文王而逃故順太伯之心而辭位所謂因心也居其位則序及文是篤其慶也此詩序太王遷岐而昆夷駮由是得生聖孫故直接以蹶厥生其上曰虞芮質厥成蓋是年誕文是年又有此美政左傳序年常有此例如此解則全章文氣通卽下文予曰四句作太王得意口氣如子後世有昌者解亦順惟虞芮質成不符諸書作文

王事然總以經爲正
被○子○豈○無○人○道○感○不○呱○始○棄○置○平○林○補○歌○載○路○覃○許○句○
想○見○姬○公○詩○律○深○之○若○無○人○道○之○感○而○以○被○無○子○則○斷○
無○此○理○而○况○姜○姬○已○作○高○辛○妃○乎○稷○名○棄○愚○見○以○
爲○其○棄○也○因○其○不○呱○也○今○人○謂○不○呱○者○爲○夢○生○卽○左○
傳○寤○生○恐○亦○此○類○不○呱○則○疑○其○死○故○棄○之○已○而○呱○矣○
且○實○覃○實○許○厥○聲○載○路○乃○取○歸○撫○養○自○屬○人○情○之○常○
惟○此○詩○先○未○說○不○呱○故○後○世○疑○其○棄○爲○無○因○遂○疑○至○
無○人○道○之○感○又○以○無○感○生○子○爲○不○雅○乃○以○屬○高○辛○之○

雪門詩草

卷一 悠游集

十

帝○字○解○作○天○字○謂○大○人○跡○卽○是○天○跡○是○愈○欲○通○愈○不○
通○也○蓋○高○辛○有○四○妃○此○詩○之○意○以○爲○若○第○言○出○自○高○
辛○則○八○愷○不○分○其○誰○母○首○言○姜○姬○而○高○辛○自○見○况○履○
帝○武○敏○歆○仍○然○女○從○男○之○大○義○也○周○室○親○親○尤○尊○母○
教○如○思○齊○太○任○文○王○之○母○一○章○不○言○王○季○其○例○同○也○
至○置○菴○置○林○置○水○不○過○夸○飾○之○詞○靈○臺○詎○成○不○日○崧○
嶽○豈○真○極○天○劉○緄○云○鴉○過○夸○飾○之○詞○靈○臺○詎○成○不○日○崧○
人○誤○於○前○宋○人○誤○於○後○未○免○將○堯○舜○之○時○視○作○上○古○
不○知○易○經○繫○辭○以○洪○荒○作○上○古○故○易○書○契○則○曰○後○世○
聖○人○作○棟○宇○則○曰○後○世○聖○人○可○見○堯○舜○之○時○已○屬○後○
世○何○至○有○此○怪○誕○不○經○之○事○因○此○詩○誤○解○於○是○議○禮○
者○乃○謂○此○爲○祀○姜○姬○之○詩○夫○舍○高○辛○而○獨○祀○姜○姬○是○
也○夫○有○母○不○知○有○父○矣○失○夫○婦○之○倫○亂○尊○親○之○序○可○慨○
卷○阿○以○後○繼○民○勞○編○訂○尼○山○寓○意○高○潤○色○諛○詞○誇○應○制○

竟忘叢脞拜臯陶

君愛巡游而臣歌伴魚詩中絕無成
意實後世臺閣談詞之嚆矢聖人編

詩繼以民勞與以鴻敷
繼車攻吉日同一垂戒

變風變雅語難拘變內何曾一正無正少變多應有意

六經垂教在憂虞

不獨詩家貴別腸解詩亦貴破尋常杏壇弟子三千盛

可與言詩只賜商

吐詞風雅入天然暴虎馮河論戰年何止斷章兼斷句

得魚無處不忘筌

誰道三閭蘭茝香周南喬木召甘棠鳳兮欲語滄浪聽

雪門詩草

卷一

悠游集

十二

宣聖論詩楚國強

淘金兒

黃金不可食萬古珍貴之湘山溪河露寶相沙中淘揀

來羣兒千鋤翻赭岸萬足喧碧漪水府無靜地噴沫奔

蛟螭一片瓜子抵斛米買酒笑醉垂楊陂山川不幸吐

光怪深鑿旁搜無安時孕玉石被琢含珠蚌自剖希世

菁華秘必宣皇天后土亦難主不如但降和風雨年年

四野豐禾黍馨香上達羣兒舞

沔陽女兒行

沔陽女兒年十五。流離轉鬻沅江浦。窮島依人投失主。
含辛茹苦垂雙羽。依稀記得別家時。阿耶早歲將儂許。
某村某水某人家。寒林雙樹同心花。花逐狂風飄忽去。
舊林回首知何處。鴻雁南翔燕北歸。水遠山長隔烟霧。
斷港荒流望海心。可能重渡藍橋路。缺月團圓縱有時。
銀河阻絕終難遇。奉帚揮匱忍自持。那知歲月如流注。
來時九年今六年。主人憐我市花鈿。多謝主人意。自說
兒時事。野水蓮花舊有根。珠歸合浦雙雙淚。主人微哂
道兒痴。滄桑變幻無定期。君山北望波渺渺。風雨摧折

雪門詩草

卷一

悠游集

三

斑竹枝。可憐竹枝節。不朽淚痕交。錯黃金。卸欲語不語。
情轉堅。未動主人動太守。太守清風蘭芷香。呼兒一一
問家鄉。親裁翠簡飛郵遞。門巷深深探綠楊。朗朗書聲
出矮屋。果然長大一兒郎。離鸞復聚歌彌烈。別鶴重歸
語更長。爲作沔陽女兒曲。何如海上牧羝羊。

做香奩體

春情似花濃。春夢如雲薄。睡眼自揆抄。微紅浸眉角。
昨日踏春回。露濕金縷鞵。花街日當午。纖指剔青苔。
垂髻嫌髟重。盤髻訝簪長。烏雲纏縵帕。近道懶梳妝。

摘花不插髻。暗中納雲髻。爲底輟蘭膏。髮入梅天膩。
晚風透輕紗。桐院靜無暑。借問河漢星。那個是牛女。
穿鍼嗔孔小。刺繡嫌線大。旋螺打珠纈。嚼絨向郎唾。
手取菱花照。滿面生紅潮。午醒是誰勸。倚醉將郎嘲。
擘柑香透爪。分橘冷侵肌。無事相悵觸。酸心先上眉。
細霰穿重幙。如冰冷繡衾。篝燈濃結蕊。似報夜深沈。
黃昏睡鴨銷。暗并檀郎坐。錦幔若無人。銀缸不催火。

擬古

月宮借玉斧。入海剷扶桑。束作綠玉簪。清秋掃元霜。元

雪門詩草

卷一

悠游集

十三

霜界萬里茫茫天。未央濃雲拂我髻。輕風吹我裳。常恐
冰雪至。八荒倍蒼涼。金雞一聲曉。旭日懸東岡。寒光漸
消歇。祥和任飄揚。

我本倜儻生。自抱青霞姿。目光閃日月。鼻息參雲蜺。慨
然小六合。萬物糟與泥。仙人鑒我志。騎鸞贈交梨。不知
羽翼生。乘風凌瑤池。蟠桃花未開。閨苑清露滋。王母傍
石卧。蓬髻白如絲。相見忽招手。謂我駐雲螭。回首視赤
縣。萬里和風吹。麒麟眠淺草。鳳皇栖條枝。長生誠可學。
辜負聖明時。

六○鰲○何○太○苦○戴○山○扶○桑○東○一○十○二○萬○年○頭○角○無○時○空○我
欲○伸○巨○擘○拔○山○擲○長○風○海○水○縱○流○去○仍○在○天○地○中○巨○鰲
感○我○惠○昂○首○蓬○萊○宮○騰○躍○向○天○闕○千○里○晚○潮○紅○
西○秦○虎○狼○耳○俯○視○方○逐○逐○六○國○何○太○愚○自○割○肌○與○肉○肌
肉○割○已○盡○虎○狼○欲○未○足○介○吏○朝○按○圖○日○暮○兵○符○促○挾○此
作○奇○貨○戈○矛○易○珠○玉○至○今○阿○房○土○猶○有○遺○金○粟○當○時○諸
策○士○無○乃○太○碌○碌○

我○蓄○一○古○劍○終○日○懸○壁○端○寶○鞘○蛛○絲○羃○塵○封○人○不○觀○繡
涇○鋒○復○鈍○韜○晦○以○自○完○豈○無○砥○與○礪○欲○礪○還○永○歎○聖○朝

雪門詩草

卷一

悠游集

十四

今○解○帶○四○海○靜○波○瀾○持○此○復○何○用○摩○挲○聊○自○彈○夜○深○老
龍○吼○滿○室○風○雨○寒○

提○提○三○歲○兒○依○依○慈○母○前○飢○啼○飽○忽○去○不○自○覺○纏○綿○暖
日○戲○庭○院○鄭○重○畏○蹊○顛○單○衫○受○風○舞○同○伴○相○勾○連○有○時
觸○母○怒○中○藏○難○自○宣○屢○撲○不○復○去○手○把○羅○裳○牽○

雀○寒○欲○依○人○畏○人○旋○避○之○纔○躍○玉○階○上○忽○栖○庭○樹○枝○側
睇○人○意○色○上○下○無○定○時○啄○雪○止○我○渴○啄○粟○止○我○飢○何○不
養○毛○羽○遠○飛○凌○瑤○池○

慈○竹○護○筍○日○慈○母○教○子○辰○玉○釧○質○典○庫○羅○衫○染○煙○塵○延

師日供饌買書日家貧養我更教我白髮禁苦辛雖未
責其報顧影時自嗔鐘鼎固有待學業胡未純
快舌吐狂言快劍吐光燄傷刺到心肝鋒芒猶閃閃豈
知旁有人避我願我斂樹搖栖鳥驚草動秋螢颺幾無
地可容咄咄逼之險請誦白圭詩斯言無重玷

招友

雙雙幽鳥鳴窗外花枝鞞待君君不來埽榻還獨坐君
性自高潔我性太疏惰言行豈有愆君當明戒我切磋
以爲益相期無中墮

雪門詩草

卷一
悠游集

十五

古人日以遠出門何所之豈無傾蓋交皆非平生知兩
心不相入對面寒風吹惟君秉清淑骨格自英奇勁竹
有直節長松無曲枝明月入懷抱何由憫離思

游麓山

紅寺鎮湘水渡湘陟嶽巔天開懸曉日萬里空青煙仙
人杳何處微風吹娟娟古寺片雲鎖樵子松際眠鐘磬
歛然起驚鶴飛無邊我來正三月春光倍纏綿陽和消
肅殺活潑鳴流泉野桃向人語淺草鋪巖前蒼翠了不
盡寸心爲怡然何時結茅屋采藥終遐年

登雲麓頂作

看○花○被○花○迷○遊○山○被○山○蔽○幽○谷○雲○煙○多○往○往○失○向○背○扶○
筇○絕○頂○看○孱○顏○貢○青○翠○孤○城○隔○水○圓○長○江○出○天○肆○高○鳥○
結○同○心○春○雲○寫○閒○致○見○豁○神○自○開○萬○事○理○可○會○置○身○高○
曠○中○一○覽○乾○坤○闕○

黃陵廟

帝○子○音○容○杳○廟○貌○猶○嶮○嶮○古○瓦○長○苔○綠○神○龕○聳○碧○潯○洞○
庭○水○欲○波○目○斷○蒼○梧○陰○向○使○帝○不○狩○鸞○輿○豈○南○臨○傷○心○
數○行○淚○斑○斑○生○竹○林○年○年○秋○風○裏○瑤○瑟○聞○清○音○

雪門詩草

卷一

悠游集

六

射蟒臺懷古

玉○筥○銅○官○朝○霧○黑○騁○雨○馳○風○春○莫○測○昭○潭○下○有○毒○龍○藏○
鼓○刺○掀○鬢○翻○水○國○騰○波○忽○見○土○臺○高○屏○息○收○聲○出○不○得○
臺○勢○何○岑○岑○吸○景○納○光○湘○江○潯○斯○臺○何○始○始○東○晉○永○昌○
之○載○陶○公○臨○公○性○勤○敏○理○微○密○志○埽○鯨○鯢○憂○陸○沈○猗○盧○
在○野○石○羯○肆○么○麼○何○暇○强○弓○尋○老○叟○攀○轅○向○公○語○爲○虺○
勿○摧○禍○將○巨○雲○麓○山○腰○抱○黃○洞○涵○淹○卵○育○潛○蛟○處○靈○昱○
絕○電○色○妖○露○雙○目○眇○晷○夜○如○炬○影○沙○碧○石○川○倒○流○喻○波○
噴○野○將○誰○拒○五○馬○渡○江○去○一○馬○化○爲○龍○公○本○扶○龍○來○帝○

室磨刀請貫乖龍胸玉腰弓弮金甌箭虎頭燕領軍容
變林薄遙窺妖火明霹靂一聲渾不見葦霧漫山頃刻
收惟見澄江淨如練湘水潺湲去不回江花江草繞荒
臺晉代衣冠問煙霧風流屐屐安在哉愛惜分陰蘇國
脉惟公不與揮塵談元之輩同塵埃當時紫陌移龜穴
蠡目已露豺聲裂擊鳳徒思温太真聞雞空蹴劉琨烈
牧豬奴子戲樗蒲中原大恨憑誰雪銅駝石馬荆棘橫
石頭一戰雌雄決噫嘻乎蛟窟何如兔窟藏願公挽弩
暫傍徨

雪門詩草

卷一

悠游集

十七

初春雪霽同李笠帆諸友登天心閣

青年冒冷喜閒遊喚我東風又上樓晴雪曉猶封比屋
春寒輕不透重裘迎人岳色澄如玉抱郭湘流曲似鉤
自有情懷何處寄瓊花開徧舊枝頭

九月送崔和齋歸霸州

和齋名宜棫兄弟四人其先人諱德宰攸縣有惠政

燕雲翹首問歸程滿載書編行李輕人海風波平旅舍
家鄉樓閣傍蓬瀛丹楓細雨湘江冷黃菊新霜灞水清
十載甘棠先舍在送將公子得無情

朗月行

夜○茫○茫○星○滴○滴○螢○光○燈○焰○照○寒○壁○一○月○騰○天○爾○無○光○嗟○
爾○雖○多○復○何○益○

阿芙蓉詠

綠○霧○繒○雲○海○外○山○青○瞳○紺○髮○古○時○顏○頻○年○滿○載○芙○蓉○土○
巨○艦○齊○停○浪○泊○灣○

快○蟬○扒○龍○濠○鏡○前○赤○籐○手○握○鑿○花○錢○金○鎗○拋○落○神○州○去○
從○此○人○間○有○禁○煙○
白○純○紅○燥○品○分○明○試○火○宵○然○短○玉○檠○更○有○團○圓○人○不○識○
銀○刀○剖○出○紫○花○錫○

雪門詩草

卷一
悠游集

六

精○銅○磨○鍊○出○圓○瓢○青○竹○筩○兒○沸○水○澆○寄○語○海○鷗○敲○槽○柁○
夜○來○爐○火○要○頻○燒○

不○袋○鷓○鴒○割○絳○紗○不○籠○蟋○蟀○飼○黃○花○齊○飛○六○鶴○無○人○問○
海○上○新○來○紫○玉○鴉○

鑛○鐵○方○盤○盃○白○銀○法○藍○小○盒○蹙○麒麟○蔗○鎗○金○托○沈○泥○斗○
巧○樣○西○洋○館○裏○新○

已○沒○銀○蟾○夜○氣○凝○鰓○鬚○簾○箔○宰○層○層○休○嫌○斗○帳○無○光○彩○
紅○毯○長○添○鳳○腦○燈○

無○管○爭○吹○引○鳳○簫○雞○鳴○枕○畔○墮○珠○翹○牙○牀○玉○體○橫○陳○日○

別○有○氤○氳○氣○不○消○
匆○匆○不○及○卸○雲○鬢○鸞○鏡○臺○前○解○玉○環○自○卷○一○雙○蝴○蝶○袖○
香○痕○撩○亂○唾○花○斑○
爲○滾○珠○泡○的○礫○圓○搓○酥○宛○轉○蘸○螺○旋○十○分○火○候○成○功○否○
供○奉○惟○應○讓○鼻○先○
銀○縷○垂○垂○綴○素○馨○香○魂○沈○醉○幾○時○醒○阿○儂○新○病○長○卿○渴○
爲○買○林○檜○蔗○桿○青○
鳳○肩○高○聳○不○因○寒○每○到○黃○昏○出○玉○關○生○怕○抬○頭○望○新○月○
烏○雲○西○海○正○漫○漫○

雪門詩草

卷一

悠游集

七九

繞○屋○煙○霞○此○卧○游○水○紋○碧○簾○睡○痕○秋○高○高○斜○倚○龍○鬚○枕○
夢○見○蚩○尤○霧○不○收○
慘○淡○乾○坤○貯○一○壺○模○糊○歲○月○伴○燈○孤○曉○來○試○取○菱○花○照○
可○似○當○年○玉○貌○無○

華山君

華○嶽○吐○雲○霧○欲○蔽○萬○物○陰○白○日○匿○光○采○孤○兔○乃○在○山○中○
吟○巖○崩○碎○石○印○雨○滴○晝○夜○深○蓮○花○玉○女○無○顏○色○昔○時○蒼○
翠○皆○沈○沈○如○膏○適○自○煎○如○桂○適○自○伐○野○蠶○作○繭○絲○縛○身○
物○性○自○殘○亦○何○拙○斂○爾○浮○雲○歸○我○夕○曛○一○語○欲○告○華○山○

君

炎洲行

熊羆不自靖。拔木炎雲洲。蹂躪率狐兔。千百皆其儔。麟仁愛化以德。乃使五鹿宣懷柔。五鹿獄獄戴頭角。銜花有長技。觸邪無奇畧。長者逡巡少者欲噴。海草蹴傷春。無春豨豨不出世。虎豹乃其羣。掃巢蕩穴爾何人。

饑虎行

木客遊深山路。逢饑虎鳴。虎饑欲食力狼狽。磨牙吮舌空作聲。一箭貫腰。雙鉤攬睛。猛虎雖猛。烏足驚。胡為耽

雪門詩草

卷一

悠游集

二十

耽○遂○所○欲○以○肉○飼○虎○縱○虎○行○谷○風○怒○號○月○暈○生○石○林○峯○
粵○飛○泉○傾○白○額○一○去○不○可○縛○使○我○持○劍○徒○縱○橫○

東海東

青青蒼蒼烟漸濃。蜃氣搖蕩東海東。樓閣層層矗天起。鬼斧妖匠何精工。金戈鐵馬騰波出。么麼變幻生其中。羲和醉酣兩手縛。晶瑩讓蔽扶桑紅。飛廉持帚不敢掃。縮項避舍歸蒿蓬。紫蛙石蚶故作勢。揚葩吐霧符雷同。我欲乘螭摩貝闕。伸足蹴破珊瑚宮。磨刀手刃乖龍耳。鈞取六鼇獻天公。既無支祁鎖。又無射蛟矢。萬怪縱橫。

乃○如○此○珠○塵○眯○目○不○見○天○
鮫○人○捧○盤○當○路○前○神○鳥○從○容○
展○金○翅○狂○濤○底○定○知○何○年○

粵海從軍詠

海○畔○牙○璋○調○遣○忙○黑○番○借○釁○擾○零○洋○
明○知○粵○瘴○黃○花○甚○
料○理○軍○裝○且○起○行○
繁○華○豔○說○五○羊○城○城○外○新○田○種○素○馨○
一○陣○奇○花○迎○戰○士○
香○風○繚○繞○大○觀○亭○
快○擗○扒○龍○次○第○排○連○營○十○里○錦○帆○開○
夜○燒○銀○燭○窺○洋○面○
怕○有○乘○潮○敵○艦○來○

雪門詩草

卷一
悠游集

三

負○劍○從○戎○赴○海○湄○青○青○榕○樹○映○旌○旗○
椎○頭○斬○盡○還○鄉○日○
請○把○弓○衣○貯○荔○枝○

邊城

邊○城○三○月○雨○廉○纖○撲○地○楊○花○觸○手○粘○
爲○待○大○軍○同○剿○敵○
挂○槍○姑○看○海○潮○添○
精○銅○萬○兩○出○天○儲○
詔○製○紅○衣○備○不○虞○
多○少○鐵○雷○橫○土○
臥○苔○花○繡○碧○穴○螻○蛄○
直○諫○何○人○憤○漏○卮○膏○盲○重○起○藉○良○醫○
聖○朝○那○有○和○戎○
局○魏○絳○無○須○納○虎○皮○

阪泉尤霧繞軒臺。瘴海蠻烟又禍胎。頑梗似知新詔
下。銀鉦不照市門開。

漫興

嗜好開邊釁。長懸聖主憂。關河蹂成卒。雨雪走傳郵。
往返成何事。倉皇未有謀。西風吹海舶。聞已到瓜洲。
鐵券宮中出。銅船海上來。島夷無卉服。壘市有樓臺。粵
館連年築。軍書次第裁。可憐罌粟蕊。偏傍戰場開。
地缺東南角。風開左右營。將軍持帚待。義律挾弓迎。鍊
礦催爐急。鳴髀悒鳥驚。朱提三十萬。早下石頭城。

雪門詩草

卷一
悠游集

三

糜餉誠渠罪。邀憐或主恩。忍尤揮使節。待命倚軍門。
一戰誰爲決。長年且自屯。似聞寬大詔。畏蕙不深論。
鐵甕關天險。金陵古帝都。訛言來邏騎。民命駭奔狐。鹽
艦沿江盡。蘆洲一夜枯。習流軍早發。何處是丹湖。
知此非長策。相持且數年。鯨盤軍士淚。蚤戶敵人船。番
賈猶奇貨。偏裨總俸錢。繼光今不在。誰與畫凌烟。

臘月十八夜雪聞雷

朔風夜皦猛如虎。雪花紛紛霰珠舞。重衾壓臂屈曲眠。
忽聞呖呖震雷鼓。聲初東來似嬰兒。轉南一鳴驚破柱。

阿香推車手應裂六丁瑟縮寒慄股豈有真龍蟄深窟
畏凍高卧攔霖雨故使豐隆喚使醒庶彼天矯騰天宇
否則海疆茫茫狐域羣吐納妖霧民物苦天公震怒警
此輩發令本在春和煦雷部延攔遲至冬故爆聲勢報
帝主吁嗟此時正閉藏螻蟻潛遁萬奸俯縱有神威過
時復何補白關好風入交翠醉單未熟不

紫鳳引

紫鳳遠飛去忽忽已三年雙雛伴孤鳳栖栖琪樹巔羽
翼燦明錦見人何翩翩琅玕日夜長芳實懸春烟千番
啄不盡兩喙香流涎周周節節漸能語借問紫凰何時
旋側身四顧青茫然

雪門詩草

卷一

悠游集

三

琵琶引

青燈耿耿夜向闌秋風入夜翠袖單珠簾不捲螢光寒
燭花搖蕩青琅玕獨抱琵琶手自彈蛩聲雁語摧心肝
曲罷無人起長歎一丸明月墜檐端疏星幾點天漫漫
欲語不語更漏殘

暮春有感

午睡初醒白日斜芭蕉橫影掠牕紗庭前忽報叮嚀語

黃鳥殷勤慰落花

采蓮曲

輕搖蘭漿晚風斜。十里銀塘水浸霞。倉卒逢人渾不避。
妾心如藕。貌如花。鬢鬆蟬髻碧於雲。一曲菱歌對岸聞。不為采花兼動葉。
怕搖珠露溼羅裙。

湘江詞

藹藹青雲護女蘿。春風回首十年過。妾心那似昭潭水。
藏住蛟龍故作波。

雪門詩草

卷一

悠游集

三五

願學湘娥副帝車。直隨夫婿走天涯。蒼梧綠竹何須怨。
借過百年還幾家。

秋閨

玲瓏窗格絳紗糊。斗帳紅羅四角珠。侍女夜深聞喚語。
不知門外有霜無。開匳纔欲脫花鈿。又惹閒情忍不眠。自卷珠簾看落月。
牽牛星正在河邊。

賓娥詠

張賓娥畫師陳雪山女也姿容絕代工繡能詩

少從父學畫碧桃胡蝶尤稱妙技乾隆末長沙
守張某聘以千金居室皆窮極奢侈不可殫述
其尤艷者冬則貂帳貂簾鑄金鳳凰於簾鈎之
上衣宮裝之衣見者擬爲天仙後太守因事懼
法賓娥作歌訣別有綠珠殉主之志觀督某賜
之金勸撫遺孤娥是以不死迄今道其遺事人
猶嘖嘖爲作是詠

竊取嫦娥月裏名廣寒宮闕記前生南來五馬千金俸
不問蒼生只問卿

雪門詩草

卷一

悠游集

五

朱門繡閣費新修爲貯名花故故愁更有深情人不識
一雙金鳳住簾鈎

愛描蝴蝶洗金泥製就宮衣別樣宜衙鼓莫催春夜永
挑燈同看海棠枝

貂帳垂垂牽玉牀沈檀爇盡獸爐香研脂儘把桃花畫
那識秋風已降霜

題希夷睡相

華嶽蓮花有睡容卅年酣卧白雲封醒來試畫先天易
柏露研朱香一重

夢中博箭有金神。一枕黃梁况味真。五季衣冠渾似醉。
先生還是獨醒人。曉色朦朧眼未明。忽聞點檢殿前名。黃袍一著陳橋驛。
從此游仙夢不驚。執杖無端上玉堂。神仙事業總茫茫。君王莫問丹黃法。
指點蓬萊是睡鄉。

題畫竹

燒筍銀盤日日餐。胸中飽貯萬琅玕。揮毫忽向芸牕下。
繞指煙雲六月寒。

雪門詩草

卷一 悠游集

硯田一畝舊生涯。筆末年來懶種花。惟有林於排日寫。
愛他風格特杈枒。條然縞素起清風。翦得淇泉綠萬重。但恨深根難著筆。
蚪蟠大地作潛龍。觸手雪藍總是春。風柯露葉長精神。虛心端合將師事。
世上如君有幾人。

勗志

余於世無忤而忌者不遺餘力乍遭非分不能
無介於懷既而深思若有由致作詩自勗

明月出東嶺。時被浮雲封。春花吐幽艷。攢撥來羣蜂。萬
彙忌光采。高明世難容。弭謗謗更至。蠅點蒼黃琮。忌我
寶愛我。無爲櫻機鋒。毀譽兩不計。天機日醲醲。佩刀莫
露刃。登高莫極峯。藏身以爲寶。護屈而伸龍。

荒園

冷澹足生涯。荒園覽物華。西風鳴敗葉。秋色孕寒花。蜨
喜疏籬入。蛩吟瘦石斜。雕闌圍畫棟。海內幾人家。

秋日晚眺

乘醉登樓去。秋高望不迷。殘霞衡嶽外。新月洞庭西。野

雪門詩草

卷一

悠游集

曠寒蕪綠。天空獨雁低。湘娥渺何處。斑竹碧雲齊。

秋夜

夜永沸啼蛄。銀釭落蕊珠。飛鴻寒欲下。疏柝遠疑無。雨
歇風猶怒。雲來月不孤。讀書能耐坐。寂寞亦堪娛。

木芙蓉

鬱茂旣已久。霜前花果紅。無心逐炎熱。不敢怨秋風。葉
重露猶滴。枝高雲欲烘。昨來小蝴蝶。纔解傍芳叢。

菊花

似報重陽近。東籬香更深。澆愁無白酒。壽世有黃金。冷

澹。羣。花。殿。蕭。疏。萬。古。心。秋。棠。爾。何。意。也。共。長。牆。陰。

詠雪

飛。雪。冷。長。沙。豪。吟。屬。我。家。梅。龍。生。玉。甲。竹。雀。啄。銀。砂。天。地。無。邊。白。文。章。萬。片。花。匣。中。雙。劍。在。提。與。鬪。光。華。

白牡丹

玉。環。含。笑。倚。沈。香。蟬。鬢。春。慵。澹。著。妝。薇。露。幾。曾。搓。粉。膩。梨。雲。好。是。想。衣。裳。能。憐。皓。質。惟。青。帝。管。領。花。叢。有。素。王。記。得。瑤。臺。逢。月。下。宮。袍。斜。拂。滿。身。霜。

倬倬芳魂月樣寒。東皇扶我出雕闌。紅顏未許風情妒。

雪門詩草

卷一

悠游集

三天

熱。艷。從。教。冷。眼。看。葉。底。徵。歌。宜。玉。樹。花。間。敞。宴。進。水。盤。憐。他。素。質。難。拋。却。好。把。酥。煎。當。雪。餐。

楊花薄曲

西蜀楊少詹

國菜

將家子納粟補黔陽。令蓄愛

姬二長駱。姬次周。姬皆蜀人。少詹絃斷以偏易。

正遂妻駱。姬駱悍而妒。周婉而貞。駱意不容。周

而進難於諉。泊少詹丁母憂歸蜀。寓二姬於湘

城。東駱乘覺逐。周始居尼菴。繼居子傅。胡教

授家。胡母憐而留之。少詹返駱作驪。姬訴遂誣。

周少詹不答昇周歸牢之土室絕其飲粒不死
遽納之棺周淚潄潄下有紫玉重生望少詹不
顧也殮以破敝紅衫厝其館於城北鐵佛浮屠
寺中昇棺時陰風慘烈憤雨橫飛電光雷震相
隨不絕倘亦沈寃所致乎先是被餓時周有小
婢名素馨者私以杯水進少詹痛加鞭楚以故
無敢以食進者周有子女二人亦絕不與通少
詹真薄情郎也爲作楊花薄曲徐梅莊澤醅廉

訪察其實斧棺重驗訊案時有蛇總於公堂之

雪門詩草

卷一

悠游集

三九

梁似詆寃者湘人莫不詫異已而鑄少詹職駱

自縊死好事者爲作土牢記里巷有能誦之者

夜○雨○湘○江○啼○蜀○魄○聲○似○怨○東○風○惡○東○風○飄○蕩○入○楊○花○

可○惜○楊○枝○太○輕○薄○楊○枝○舊○種○錦○城○中○亞○夫○營○前○雨○露○濃○

一○雙○燕○子○啣○泥○住○軟○襟○交○舞○夕○陽○紅○帷○廟○泉○邱○徵○舊○夢○

銀○環○不○妒○雙○絃○弄○鸞○膠○忽○斷○正○宮○聲○美○珥○誰○教○薛○公○送○

早○見○黃○姑○替○月○光○獨○把○朝○雲○供○侍○從○同○織○青○蒲○入○木○門○

季○蘭○心○性○本○温○存○一○旦○綠○衣○居○翟○蕞○遂○教○桃○葉○妒○桃○根○

藁○砧○出○宰○黔○陽○土○芙○蓉○樓○上○簫○聲○譜○同○看○琴○堂○萬○頃○花○

朝朝暮暮常相聚。金井從無亂步來。娟孟讒言噤莫吐。
蛾眉霜色頓生寒。壓損菱花珠淚彈。收拾銀章營宰樹。
獨留家寄楚雲端。楚雲遙望蜀雲暮。白衣蒼狗須臾故。
少女風高勢總狂。蹂躪花躡柳紛無數。不是蛾眉謠詠多。
諒因狐媚羞成怒。獨抱冰心河水深。一種閒愁向誰訴。
荆棘縱橫蘭蕙焦。嬋娟鬢影亂騷騷。且伴玉真伴入道。
當歸種徧應生苗。待得郎歸都告與。低徊說盡蓮心苦。
那知郎意似春水。磨牙更勝胭脂虎。鳩鳥爲媒入間言。
采鳳隨鴉摧吉羽。安置紅牆鎖翠娥。渴轍誰加一滴波。

雪門詩草

卷一
悠游集

三十一

可憐骨似香桃瘦。荷荷空呼沒奈何。倉皇採碎鴛鴦牒。
忍把名花生覆壓。壓名花落地亦無聲。但見棠梨風獵獵。
棠梨空對殯宮開。冤雲四壓浮屠摧。愁霖妖霧晝昏黑。
青楓黯黯燐火來。鐵佛無情徒峩峩。兒女雙雙竟誰託。
破做紅衫赴夜臺。欲把因緣問寥廓。最是匆匆永訣時。
雙淚帶雨梨花枝。妾身零落何足惜。莫遣郎情世共知。
送羅曦甫入都
東風吹綠湘江水。細雨垂楊飛燕子。回首昭潭萬頃波。
鱗鱗中有潛蛟起。昭潭此日春可憐。聽鶯賭酒杏花天。

繞徑青蕪遮客路。滿溪榆莢礙行鞭。揮鞭直指長安路。
男兒那肯蓬蒿住。天上瓊林瑞靄多。揮毫欲獻凌雲賦。
凌雲筆洗楚江深。甘苦同嘗爾我心。祇道寒雲開研色。
那期細雨濕離襟。南北風煙千萬里。洞庭波濶河流駛。
好向蒼梧早寄書。春明莫惜泥金紙。一曲驪歌唱未終。
卿雲林表弄微紅。玉杯滿貯珍珠酒。既酌君行更酌風。

題張少衡刺史聽琴圖

張湘陰名進士棄官歸里讀書師白山房以靜
自養繪聽琴圖御而不鼓意在聲先自敘索詩

雪門詩草

卷一

悠游集

三

奉梁矩亭師命擬作

青桐朱絃兩無聲。觸指忽作流泉鳴。絃耶指耶渾莫辨。
大宮小角環相生。羲皇未造太古始。借問希聲果何似。
衆籟叫號隨唱喏。詎若敲音得深旨。翁從何處識天機。
以指喻指原非指。明月無言夜在林。松枝玉露光沈沈。
梅花響寂元鶴舞。昭文不鼓真知音。但得絃中趨。莫爲
句挑誤。赤緊曾張治國琴。綠陰今借眠琴樹。出處成虧
終杳然。白雲於我澹相遇。膝下春多閒養和。落霞常照
桑榆暮。我來湘上情欲移。焦桐未爆心先知。湘山高。高

湘水靜但聞薰風吹竹枝

送凌石渠歸彭澤

閒庭桂花紫遊人行將歸將歸杳何許蒼茫江之濱
月隨君轡江花上君衣君行不可緩我心常依依
君家世清白詩書培根基琢磨成大器養此青雲姿
文章詡浮薄但爲識者嗤風雲有時會相見豈無期
相見終異日相思已今時仰視碧天暮雙雙秋燕飛

送羅曦甫赴武昌僑廬

豈爲魚肥住武昌扁舟載雪下瀟湘梅花解語留君住

雪門詩草

卷一

悠游集

道把家鄉當異鄉

冬閨瑣句

寒驚鸚鵡撲簷牙暖撥金猊側髣鴉繡罷夜長人未卧
綠牕細雨說燈花

雙鸞銀盞注玫瑰獸炭紅爐活火煨未飲玉顏先似醉
騰騰春意暖中來

芙蓉紅過衆芳闌翠玉雕成五出蘭簪就蠟梅輕不戴
爲言冰雪采花難

懶蕪熏籠懶佩囊紫貂覆額辟青霜昨宵夢醒聽雞唱

繡枕函邊佛手香

雪門詩草

卷一

悠游集

三



蘇州府...

...

...

...

...

...

...

...

...

...

...

...

...

...

...

雪門詩草卷二 游春詩 不空賦 湖上贊 不無精
悠游集 游春詩 異 庚 甲 錄 善 化 許 瑤 光 雪 門 甫 著 等 效

己酉年

詠蘭

半灣流水洗閒雲。鉏盡蓬茅始見君。滿谷奇香沁詩思。
不曾沾酒醉醺醺。古。人。原。恐。玉。潔。嫩。律。轉。正。驚。春。員。
空山寂歷起樵謳。黃葉飛飛掃石頭。彈盡猗蘭琴欲訴。
香風搖曳碧天秋。

清明

雪門詩草

卷二

悠游集

霏微夜雨過春城。萬柳含煙曉翠生。繞郭遊入自來去。
落花時節正清明。

空山長溪。龔虹橋來。獄籠書院。晤而有贈。寄蘭琴。燈浦。
張目無時輩。開懷見古人。氣凌三楚地。筆動五溪春。負。
笈名山遠。囊詩錦段新。贈余辰石研。相勵琢磨真。詩思。
仲春馬雲莊招飲澹園紀贈

澹園在湘城白沙泉之西南傍水作樓倚山結

閣奇花異卉甲於長沙雲莊半生經營悉萃於

雪門詩草 此花時招客杯酒不空地勝主賢不可無詩

主人愛花兼愛客。朝朝甕打梨花白。散盡黃金買碧山。
招人共枕山開石。去年訪友來山齋。偷盼林花悅心魄。
登樓正值麥秋時。颯颯冷風入窗格。買餅蒸饊飽我饑。
梅雨連天望江碧。那知今歲更殷勤。爲我春前展花席。
風姑含露尚未開。紅杏壓枝低可摘。薄霧濛濛水上綃。
游魚躍浪青萍拆。莫嫌主出歸來遲。好竹當門笑相逆。
竹外東風作意吹。細雨廉纖似疇昔。衝寒強飲山中醅。
一杯乍入顏先赤。欲醉未醉黃昏時。忽聞山歌破幽僻。
我心遂逐歌聲飛。搖蕩春雲滿春澤。年來苦被塵務牽。

雪門詩草

卷二
悠游集

二

絕好韶華笑虛擲。今日煙霞得主盟。芒鞋遂踏蘿關夕。
燭影爐香夜漸深。留人滿徑蒼煙隔。生憎僮僕催我歸。
泥瀟城南著紅屐。歸來一枕玉窗前。恍聽白沙泉脉脉。
題麻姑采花圖
滄海東頭看種桑。探花且自下龍荒。爲因誤飲長生酒。
蟬鬢而今尚未霜。

登對夜泊銅官渚

朝發長沙城。暮泊銅官渚。野火照山紅。樵子隔煙語。小
市富魚鰕。沽酒舟中煮。殘月猶未升。蒼茫失煙嶼。地接

洞庭寬波瀾夜來巨

朝發白魚磯

篙師解纜行殘夢醒波裏攬衣船頭立朝霞射衣紫
戢萬漁舟點破一江水風遲舉網輕浪靜得魚喜心事
託滄波升沈復何恃而我爲浮名碌碌辭鄉里前路未
可知且攬湖山美伊誰勸我閒白鷺沙邊峙

北風大作暮泊洞庭湖心

不涉波濤險安知作客難驚風吹水立徹夜閃燈寒岸
闊蛟龍肆檣欹雨雪攢撫牀眠不穩那敢夢長安

雪門詩草

卷二

悠游集

三

守風鹿角同友人作

風捲狂濤入洞庭難憑瑤瑟問湘靈丹楓更落漁家出
斑竹如招畫舫停帝渚寒衝雙鷺白君山雲擁一螺青
蛟龍莫漫留詩客同下巴陵醉綠醺

登岳陽樓

昨日蕩舟重湖裏北風怒吼瀾翻紫今日來登岳陽樓
朝光盪漾煙霾收碧波萬頃射初日紅霞倒映涵漁舟
數點青蒼遠莫辨吳山楚山隨波浮試登樓頂望京邑
長江浩浩雲悠悠仙人鐵笛杳何許樓東一枝仙梅樹

我來正值嚴冬時。梅樹作花破寒霧。繞樓凍柳不堪折。
折梅且步青雲去。羽客烹茶勸我留。榜人催迫情難住。
湖光如此不句留。好景終應笑虛度。歸舟回首望雲中。
一行征雁東陵東。縹緲危闌望不見。但見翠靄摩青空。

庚戌年

元日題觀城旅舍

半生鄉國度年華。今日停驂賣酒家。但把屠蘇沽一醉。
不知身是在天涯。

香驄小住近青齊。相見何人指路迷。惟有春風能識我。

雪門詩草

卷二

悠游集

四

梅花招過小橋西。

黃塵撲撲挂吟鞭。掃榻徐牽襪被眠。客邸不曾占歷日。
數聲爆竹是新年。

金臺北望路非遙。旅館何須悵寂寥。料得帝城春色
早。燈花紅裏過元宵。

渡河

南方未慣北方身。却渡長河寄畫輪。辛苦至今嘗旅况。
英雄自昔少閒人。雞催殘月天難曙。馬踏層冰地不塵。
何事乘槎問雲漢。黃沙一片已迷津。

在平旅舍

銀甲檀槽火鳳絃。鴉雛綠髻貼花鈿。勸君莫把紅綃惜。今日相逢正少年。

日暮

日暮行程急。輿夫緊著鞭。花驄不解事。沿路戀清泉。

都門雜紀

浮湘截漢渡黃河。春到皇州氣色多。碣石曉雲開鳳闕。西山霽雪照鸞坡。國喪遏密梨園曲。軍政遙傳桂海波。二百餘年光化日。蚩尤休挺逆天戈。

雪門詩草

卷二 悠游集

五

昨來災兆正陽門。玉几驚傳顧命尊。金匱雖絨留

寢廟。龍衣豫錫定乾坤。蒼黎愛重戎兵偃。宮苑涼多

殿閣溫。精益求精神聖德。熊湘下士泣重闈。呂堯仙太史擬

祭奠文有精益求精求神聖不自聖語大蒙上賞

保和玉殿御爐香。攜卷東隅受夕陽。衣潤輕紗沾曉露。

詩吟五字翦秋光。皇天恩重西湖許。師友情多東海

長珍重。贈言銘肺腑。吳中紈綺水雲鄉。朝考詩題乃秋

出都無資賴梁矩亭師黃黼卿膳脚陳岱雲太史力乃成行

兩湖賓舍虎坊橋。餞別涼秋退晚朝。桑梓新修師弟禮。

榷楠敢負館材翹。經筵上疏陳丹雘。薦牘焚香捧碧霄。
私喜龍門瞻道範。醉歸宵逐綵雲飄。曾文正師時任少宗伯上經筵疏并

特薦王慶雲
江忠源諸人

將離上界倍縈懷。命駕聊瞻龍爪槐。七月荷花猶石海。

千年喬木自金臺。松筠有寺忠祠訪。萬柳圍堂別墅開。
惟有玉泉瓊島秘。未游他日待重來。

三京六外一儒官。吳蜀燕齊道路寬。無分倉儲分祿米。
頗輸苜蓿作親盤。南行遵海求秦駐。東去看潮弔宋端。
倘把湖山誇宦境。仁皇純廟舊鳴鑾。同年陳又臣
涂心如鄭燼

雪門詩草

卷二

悠游集

六

青俱京秩賀儀仲楊樹屏分直隸梁崑甫
山東何紹春熊曙初四川歐陽春垣教職

擬過青岱聖賢關。瞻仰文宣日月顏。路入淮揚橫鐵柱。

波分江海鎖金山。同行塞雁青天迥。迎我吳蟬白露閑。

更有故交黃叔度。蘇臺訪古詎辭艱。時長沙黃鹿
溪宰吳縣

躡躅伴挈浙同年。範駕初途賴驥前。匪獨關河資引掖。

卽詢風土亦先鞭。新霜正熟金華棗。秋雨應添虎跑泉。

從此天台和雁宕。好將清俸當游錢。同行者東陽龔潤
山湯溪祝梧岡富

陽孫芋香
諸同年

東阿道中

青溪碧嶂鎖烟蘿。曲徑斜通小石多。棗顆垂紅梨綴綠。
一鞭殘照出東阿。

車中曉懷

駿馬爲誰忙。西風踏早霜。天連沙路白。霧逼柳條黃。鄉
思長河隔。秋心曉日涼。高堂應記念。遊子薄衣裳。

夜泊淮浦

白雲橫天空。秋露下如雨。脩脩涼風生。熒熒蘆花舞。推
篷見漁燈。舉酒聽戍鼓。明月近揚州。欲與問今古。

高郵道中

雪門詩草

卷二
悠游集

黃河回望白雲飛。熒熒湖清秋浪微。樹隱露祠迷過客。
草連螢苑易斜暉。一江紅葉雁初下。兩岸蘆花蟹正肥。
莫道來游春去久。繞陂煙雨尚霏霏。

游金山寺

金山秋高照海天。我來剛值重陽前。江平風靜片帆喜。
紅樹招人登塔巔。浮雲不障遊子日。天清水碧渾無邊。
南徐北固咫尺耳。東焦料與蓬瀛連。乘風破浪世誰有。
往來但見番賈船。憶昔英夷犯邊順。茲山盤踞然烽煙。
樓觀碑亭屹無恙。豈有呵護勞金仙。山僧引余指階下。

祇一鐵鑊言夷遷。雲濤萬里載竟去。夷情詭倖難追緣。
颯颯西風吹綠髮。使我長懷韓蘄賢。古事今情杳無極。
登高望遠殊遷延。况復秋濤勢正殺。不愁波浪迷歸年。
時清境勝腰脚健。放腹且飲中冷泉。安能對此普江水。
欲歸不得愁無用。

閬門紀事

金閨簫管喚雲開。小泊紅妝結束來。細雨重陽秋夜永。
勸人酣飲菊花杯。

到杭州

雪門詩草

卷二
悠游集

八

黃花驛路過重陽。橋鎖清波故故長。水陸三千京國遠。
秋風細雨到錢塘。

錢塘雜感

髯蘇何事海邊游。薄宦心情易感秋。懶把香襟賒酒債。
更無銀弩壓潮頭。衣冠南渡浮雲在。歌舞西湖夜月休。
滿地荷花是誰主。不妨暫買小杭州。
日近黃妃塔易斜。冷吟閒醉倚殘霞。無多金碧迷春雨。
絕好湖山待翠華。孤嶼梅枝寒守鶴。六橋楊柳晚藏鴉。
行人指點西冷側。蘇小當年駐玉車。

三竺雲山不世情。冷冷萬壑嘯猿聲。巉巖古佛無香火。
洞壁殘詩蝕姓名。聊汲冷泉懷判事。莫憑頑石問三生。
峰頭桂子年年發。落月飄香句且賡。
字內銷金祇此鍋。魚鹽富庶近如何。堂中易惹蛩聲鬪。
海上難消蜃市多。鐵券千年沈渭水。錦衣故里隔茗河。
燈花五夜隄邊盛。應讓平章賈八哥。
表裏湖山起暮雲。新來菊部不堪聞。秋風薜荔荒千墓。
細雨莓苔濕岳墳。吠犬如聞新府尹。騎驢閒煞故將軍。
忠奸倒置非今始。鷓鴣草浮江早不分。

雪門詩草

卷二
悠游集

九

一自秦皇石繫舟。唐藩宋室倚雄州。拒梁可惜羅橫策。
羅隱名橫遷汴誰訛呂相謀。一代偏安成憤事。兩朝刺史
幾風流。更思玉帛塗山會。漸水何緣貢未收。

皇恩許住是前緣。翠黛琵琶江上船。詩冊句添東浙派。
茶煙火試武林泉。曾懷香草增騷怨。不道殘杯過瘦年。
肥冬瘦年見西湖志辜負昂藏軀七尺。長源欲問老神仙。

太息鳧飛尚早春。阮公墩畔且逡巡。山中遠志羞稱草。
湖上秋風喜食菘。寶相羣教瞻大佛。芳心我欲懇花神。
試登南北峯頭望。祇有瀟湘月照人。

錢江子夜歌

歡愛看潮來。儂愛送潮去。潮去汐還生。約歡待日暮。
問歡年十六。儂亦二八餘。爲諱同年字。佯嬌不應渠。
翦翦青絲髮。心束紅絨端。束久紅已褪。紅褪羞見歡。
玉箸挾珍羞。欲勸還脉脉。不買西湖蕤。知歡愛茭白。
歡醉翻玉杯。污儂蘋綠襖。東浦女兒醅。味是陳陳好。
贈儂金條脫。代儂親上手。歡愛萬年青。儂進百年酒。
大舟沙棠穩。小楫木蘭裁。楫小容人少。歡來獨自來。
歡著翠雲鳥。朝出鳳山城。莫言沙岸濕。夜夜是多晴。

雪門詩草

卷二
悠游集

十

江千度佳節。歡來問儂船。端午歡見艾。中秋歡見蓮。
北楮風潮上。南龕雲雨忙。頭亭不可立。呼歡進儂艙。
避潮在何處。大小兩朱橋。悄語倚歡肩。大橋還小橋。
儂少阿母憐。爲佩黃金鎖。今夜待歡開。雙手挽歡坐。
莫燒博山火。但焚壽字香。秋夜留歡宿。香長夜更長。
煎茶止歡渴。汗透藕絲衫。歡知龍井好。不知江水鹹。

西湖竹枝詞

銀絲鞦髻碧蘭花。茜色羅裙百褶斜。正是清明好時節。
踏青齊喚水晶車。

紺珠翠纈灑流蘇。搖蕩東風似柳鬚。湖上尋春年小慣。
登舟不倩女奴扶。宜風宜雨更宜晴。畫舫玻璃水樣明。別有小舟載茶鼎。
綠楊深處細煙生。牙籤香盒付雲鬟。小鏡隨身換玉環。花柳六橋春自好。
笑郎何苦上青山。眞珠綻領入時新。桃碧輕衫閃線春。小袂芙蓉花樣巧。
不知繡製出何人。孤山峭石與梅清。落盡梅花更出城。碧草茸茸蒼蘚厚。

雪門詩草

卷二

悠游集

十一

遮人綠屨不分明。杭俗喜著綠屨

眞珠寃。後吳文節間之鑄縣令職

錢江潮太惡。打入富春郭。郭外一吳儂。朝朝弄湖樂。
潮落見浮尸。慘然儂心悲。忍令江鼉食。撈波代葬之。
沐浴解衣裹。腰露眞珠顆。賣金抵奠資。益人無損我。
天道足疑猜。明珠是禍胎。拘儂來縣牒。讞儂珠何來。
讞珠要珠贖。阿儂吞聲哭。哭淚不成珠。怒儂珠藏腹。
撈掠儂不堪。朱絲畢命甘。可憐遺老母。少婦育孤男。
紅顏失所恃。抱男死江水。白髮恨無依。相從江水裏。

解一
解二
解三
解四
解五
解六
解七

江水去湯湯。沈寃何處償。富春白日少。行子淚沾裳。八
夜發德清

細雨連江長。暗潮吳羌山下泛。蘭橈夜深柔櫓不聞響。
盪入前谿第幾橋。

蘇小小墓

誰築香亭護此墳。平夷海上一將軍。弓刀小隊多情甚。
寶馬停鞭張夕曛。

辛亥年

孤山賞梅

雪門詩草

卷二
悠游集

十一

梅花舊與高人伍。此日梅花春自主。蒼苔白石徑寂寥。
寒夜芳心招鶴語。白鶴竟不來。梅枝依舊開。東風漾花
片吹入掌中杯。

宋代老梅今幾枝。冰花鐵幹多披離。宋代隱淪今幾輩。
寒泉秋菊馨香思。舉盞問梅梅不知。暗香搖曳黃昏時。
當年荷鋤明月下。此日競賞春游馬。士女昌丰踏雪尋。
翠袖銀鞍動盈把。六橋楊柳自搖春。孤山轉嫌攀折頻。
補栽誰是生春手。少穆先生冰雪人。我來不見高賢轍。
惆悵湖風吹白蘋。林文忠任嘉湖道時曾補梅孤山

四音洪子佳同年之官汴梁方子維餞別孤山卽席奉
六橋煙柳含黃芽。茸茸細草生隄沙。方君餞別孤山路。
邀我同看山梅花。是日雲陰釀微雨。孤山路滑愁欹斜。
春寒峭料梅蕊瘦。古牆怪石紛攪挈。山水留人那忍別。
幽香縹緲林前遮。去年我初至西浙。蘆花灘上飛白雪。
置酒湖中秋氣清。初陽臺上看明月。今年春好君遠行。
未免辜負芳菲節。我亦離家。里數千蒼苔白石長沙邊。
一官匏繫來海上。湘南春草徒芊芊。差喜同人結遊侶。

雪門詩草

卷二 悠游集

十三

詩歌酒盞相流連。君今佩印洛陽去。鷺嶺遙望愁遠天。
聞道洛陽花事好。牡丹二月春風早。滿縣花開直待君。
寶轂尋春休草草。金明池畔望京樓。請把杭州認汴州。
兩地和思杳無際。清波曲曲繞河流。豈若鱖山派白雲。
春興正月十日同宣聘候望雪吳山山水留人派感恨
海風從東來。飄雪滿吳會。寒光逼蒼冥。肅氣息羣籟。登
高心。神開飄飄似飛旆。城郭伏陽和。湖山浮佳靄。愛茲
清曠深。那惜菰衣帶。攜手出浮雲。積巖絕塵壒。琤琤雨
何音。水條鳴古檜。流連竟忘歸。徙倚峭石外。山明亂林

次日雪霽仍登吳山

朝來報雪霽。天放春風還。官居寡酬應。復登城中山。巖
草弄春色。青青有無間。殘雲掃餘凍。古石生新顏。蒼鷹
若自得。盤折出塵寰。碧海接天遠。滄江繞郭閒。登高發
長嘯。陽和回天關。明日西湖道。柳枝應可攀。
四山雪消盡。孱顏混天碧。隔江何處山。孤峯透餘白。初
疑浮雲生。層臺數千尺。那知是積雪。得日光轉赤。清拔
出蒼旻。高寒肅心魄。峩峩在眼前。西海不相隔。冷逼梅
花開。定有仙人宅。欲從無羽翼。中情徒脉脉。

雪門詩草

卷二

悠游集

十四

同阮範書敖丹崖宴於飲淥莊

樓下湖水碧。水底雲影空。鱗鱗起微波。漁舟迷西東。春
風爲誰來。入樓開簾櫳。仰見南屏塔。頽然如醉翁。勸我
舉玉盞。山梅照顏紅。酒氣化雲霧。滿湖雨濛濛。

暮春之初于少彞水部將之嚴州招飲西湖朱莊

之捷雲樓作詩紀游卽以贈別

桑葉初青採嫩黃。梨花卷地含餘香。主人尋幽出城郭。
探春招飲朱家莊。朱莊樓閣錢湖裏。四面青山三面水。
登樓遙望南北峯。白雲童童峯中起。煙雨迷離三竺遙。

南巖玉女不可招。惟有孤山少雲霧。山前生翠紛柳條。
紅牆隱約寺可辨。芳艸綠過西冷橋。穿橋畫艇認三兩。
青篷冒雨雙槳搖。雨點波心似珠濺。碧葑深處金鱗跳。
湖光山色秀如此。樓中我欲留連朝。可惜君家難久住。
富春明日撐歸橈。七里灘邊釣臺上。未知風景憑誰饒。
人生行樂隨處好。何必歌舞西湖道。西湖雲水多清妍。
桐山亦有十九泉。繡嶺錦峯擅奇絕。子陵至今疑神仙。
雲山蒼蒼望不見。煩君寄我漁父篇。

湖柳

雪門詩草

卷二

悠游集

五

拋却靈和種水濱。西湖遊子惜青春。栽培早歲東君意。
搖曳情波故國身。翠黛有船貪倚岸。香驄無轡不驚塵。
年來張緒頻窺鏡。依舊臨風濯濯神。
西冷煙雨醉初醒。顧盼誰當阮眼青。陶令折腰羞吏俗。
謝池入夢仗詩靈。纏綿情性行宮繞。雲水生涯畫舫停。
繫住朝暉和夕照。敢將蹤跡恨飄萍。
湖上人家玉笛吹。長條弱縷儘垂垂。紅橋路曲應藏恨。
碧玉情多怕展眉。雨外乍懸沽酒旆。陰中還愛讀書帷。
祇今刺史無蘇白。誰向沙隄種舊枝。

已覺瓊花雜絮泥。且籠隄岸任東西。寒梅約伴春同漏。
細草留人路共迷。濃惹翠煙思太液。輕搖黃月撲前溪。
香閨樓上休凝望。淺淺青雲縮馬蹄。
水仙祠畔過清明。誤認杭州作汴城。翠輦昔曾遮御。
道青袍久已笑儒生。怕聯杏葉馳香勒。祇合桃根度玉。
笙他日煙盟更誰訂。薰風麴院藕花迎。
一番春雨一番多。不盡黃金鑄此鍋。舊柳已輪新柳碧。
裏湖終讓外湖波。那堪南渡頻嘶馬。儘有西施學畫蛾。
濃抹淡妝都入樣。慎毋輕舞日婆娑。

雪門詩草

卷二

悠游集

十六

鵝黃滿擬染春衣。帶雨龍池願竟違。乳燕六橋街絮到。
流鶯三月繞枝飛。王恭年少人應妒。枚叔風流世總稀。
幸有吳姬能壓酒。水亭終日醉忘歸。
畫樓掩映碧鴉藏。蘇小當年鬪曉妝。舊院而今空旖旎。
長楊何事抱文章。喜無攀折郵亭苦。未免將迎過客忙。
寄語湘南鶯燕侶。春來眠起總如常。

江干曲

妾家住錢塘。菱鏡窺湖光。昨來弄江水。畫槳栽沙棠。西
陵煙樹如紗碧。綠髻臨風自珍惜。百蜨裊輕蓮步嬌。九

離釵重困春宵。見人不抱檀槽唱。獨倚薰籠弄玉簫。

偕李正農同年泛湖

西○湖○風○光○不○借○人○落○花○翩○然○辭○青○春○南○風○日○日○扇○波○綠○
楊○柳○鬱○鬱○含○香○塵○細○葛○輕○衫○出○城○去○煙○青○露○碧○留○清○晨○
不○跨○疲○驢○遊○但○喚○瓜○皮○艇○長○橋○沽○酒○舟○中○醉○九○里○荷○風○
吹○忽○醒○人○間○炎○熱○那○得○知○水○底○晴○雲○自○高○迥○葵○蒲○未○動○
如○清○秋○渴○汲○湖○波○當○清○茗○玉○笛○何○人○水○上○飄○梅○花○搖○蕩○
鬱○炎○消○及○時○行○樂○樂○自○得○不○教○華○髮○生○蕭○蕭○

早渡西陵

雪門詩草

卷二

悠游集

七

共濟駕輕舸西陵趁早潮。江流吳會闊。山入海天遙。世
遠沙隄變。年豐瘴癘消。將軍不來牧。滿地種青苗。

登台州中子山作

炎雲烈日到天台。試上巾山遠望開。古砦危依巖嶼立。
商船遙趁海潮來。地隣甌越民風獷。雨過剡溪駟路頽。
仙女桃花無處訪。招涼且自啖楊梅。

遊昭慶寺偶記

嘉慶初載甯波女史馮氏自繡花
旛五百不下樓者二十年繡訖來

寺懸挂矜艷炫當
時今已無存矣

入寺人傳馮女事。廿年壓線甬東樓。花旛五百今何在。

一片菡苔古佛秋。

清漣寺觀魚

清○泉○空○復○清○無○魚○泉○不○活○玉○泉○西○湖○西○鱗○鱗○紅○撥○刺○掉○
尾○斷○霞○燒○鼓○鬣○胭○脂○抹○碧○泓○圍○圍○游○無○事○防○歐○獺○我○來○
正○炎○天○照○眼○嫌○朱○褐○羣○魚○胡○炫○耀○自○矜○紅○韎○鞞○滌○流○噴○
紺○珠○啖○花○飄○絳○沫○寺○僧○備○麥○飯○飼○啖○供○客○撮○一○投○魚○競○
爭○繞○檻○泉○聒○聒○大○魚○匹○錦○穿○小○魚○赤○刀○脫○得○食○不○畏○人○
錙○銖○盡○搜○括○初○疑○魚○性○貪○當○胸○兜○繡○袜○丹○書○腹○中○無○金○
梭○名○強○奪○不○如○鯉○與○魴○小○鮮○供○一○割○繼○疑○魚○性○黠○濠○梁○

雪門詩草

卷二

悠游集

六

託○曠○達○赤○烏○比○文○章○飛○鳶○齊○活○潑○長○依○佛○地○泉○蓮○花○作○
衣○鉢○得○所○真○洋○洋○竟○逃○椒○桂○辣○杭○城○東○園○中○放○生○舊○池○
東園有小雲栖爲杭民放生之所今○年○苦○赤○旱○水○竭○鰕○魚○涸○東○海○滴○
波○難○枯○市○徒○感○額○何○如○斯○山○泉○日○夜○流○洩○洩○清○淨○刪○荇○
藻○香○膏○出○蘊○葛○羣○魚○此○中○游○何○異○栖○華○闢○水○族○究○何○知○
我○言○空○嗔○喝○非○魚○安○知○魚○烏○用○相○轆○轤○忽○聞○木○魚○鳴○敬○
來○問○菩○薩○

浙闈中秋玩月有感

前○年○玩○月○瀟○湘○滑○去○年○中○秋○辭○金○微○今○年○杭○州○桂○花○發○

鳳○味○堂○前○看○清○輝○不○知○明○年○又○何○處○浮○雲○蹤○跡○隨○風○飛
嫦○娥○含○顰○結○璘○笑○微○名○羈○絆○何○時○歸○東○海○怒○濤○撞○雪○皎
西○湖○白○露○團○珠○圍○人○生○歡○會○杳○無○定○差○喜○光○景○常○追○隨
舉○盞○薄○飲○不○成○醉○滿○庭○秋○霧○紛○霏○霏○秋○霧○霏○不○已○棘○闌
桂○苑○涼○於○水○休○問○他○鄉○與○故○鄉○古○來○陰○晴○圓○缺○常○如○此

闌中感事

曾○調○銀○管○譜○霓○裳○舊○序○頻○操○古○尺○量○慚○愧○翻○新○少○時○樣
桂○花○一○曲○斷○人○腸

紫○雲○唱○徹○廣○寒○遊○月○府○新○裝○七○寶○樓○不○逐○嫦○娥○偷○藥○去

雪門詩草

卷二

悠游集

九

空○留○玉○斧○替○人○修

蘭○浦○楓○江○蕩○性○情○驚○才○絕○豔○楚○騷○評○祇○因○誤○寫○眠○蠶○字

一○幅○蛾○眉○畫○不○成

已酉主試批予卷驚才絕豔後因詩藝八月荏葦題犯蠶字抑作副車填

榜時梁矩亭夫子以為有碍朝考乃易以他卷

愧○攀○貢○樹○出○班○行○喜○接○元○方○蕊○榜○香○一○樣○荆○花○開○兩○樣

芙○蓉○何○事○怨○秋○霜

家兄力常是科鄉試中式北上同行

號○嘯

浙闈謄手入夜常嘯一人唱聲衆棚響應謄晉之中亦復不減俗名號嘯謂是可以除魔

聽○餘○伐○桂○斧○丁○丁○又○報○蘇○門○阮○嘯○聲○鶴○唳○猿○啼○渾○莫○辨

秋○風○總○是○不○平○鳴

舟抵桐廬

昨日錢塘孤塔聳。今日桐山翠雲湧。山城幽僻重陽時。
紅葉黃花秋色重。飢鷹盤折寒雲開。水鳥出沒滄波動。
拏舟莫近嚴陵灘。慚余尚未忘名寵。

桐江歌

桐廬城南洲渚平。桐廬城東塔崢嶸。赤雲捲岸霜葉曉。
白浪齧石寒潮生。隱隱漁歌破江霧。渺渺風帆懸朝晴。
仙人高士今何在。坐對長江秋月明。

秋曉曲

雪門詩草

卷二 悠游集

粼粼碧玉秋波埽。羅襪凌波步霜曉。妾住桐江泛木蘭。
煙盟水誓長相保。芙蓉昨夜忽經霜。可惜紅顏水邊老。

書懷

桐江作吏最消魂。滿地蘆花烏柏村。微祿未能迎母養。
卑官何處報君恩。雲移三塔霜峰出。潮打嚴灘夜月
渾。欲買鱗魚秋已老。且看黃菊倒金樽。

登桐君山

石壁逼江迴。秋潮日夜來。白雲圍古寺。紅樹繞高臺。海
色吳天曙。山光越岸開。登臨無限好。不必羨蓬萊。

謁桐君

桐江潮湧波倒流。桐塔雲生古樹愁。桐山廟敞占諸佛。
桐君一龕香火幽。殘幢罩蛛網。土座黃塵浮。野人膜佛
設蒲飯。山僧媿佛添膏油。桐君兀坐山門冷。蕭瑟綠髯
含風秋。我笑神仙太高曠。轉疑位置殊未當。喬松枝被
女蘿蒙。乾雀窠將蒼鼠讓。仙人有山仙不居。黃石赤松
多放浪。塵心未斷仙路遙。我有一語聊解嘲。君不見今
日官署多蕭條。主人退處日無聊。賓客充斥僮僕驕。

秋江夜泛

雪門詩草

卷二

悠游集

三

暮色蒼然入釣船。漁歌初唱露涓涓。寒潮落渚沙痕細。
明月橫江樹影圓。香芷難忘衡麓雨。竹竿聊破富春煙。
西陵風雨同心曲。愁聽吳儂已二年。

雪意

風飄黃葉滿槐廳。吏散人閒酒半醒。滿塢白雲天欲雪。
一羣寒雀噪冬青。

壬子年

雙梅詠

梅在署東。虬枝鐵幹。著。紅梅。偃蹇如醉。賓綠梅。雅淡如高人。雪壓霜欺不相下。

曠紅淡碧俱青春。我到桐江少舊識。惟與雙梅數晨夕。
無言獨倚檐角看。夜月流黃曉煙白。虬枝鐵幹何人栽。
衙吏官齋肆攀摘。笑君託根太卑淺。傲骨香心真可惜。
幾度攜鉏欲移栽。年深舊土生碧苔。本無結實和羹願。
孤高懶更辭塵埃。相偃且慰朔風冷。得意齊向東風開。
脩到神仙居陸地。笑煞桃花落蓬萊。

到嚴州

出瀧睦州見江源。兩派分峭峰。明白雪雙塔。表青雲。地
是嚴陵隱。人傳范老勳。羊裘未敢著。天氣已晴曛。

雪門詩草

卷二

悠游集

三

人日送家兄力常北上

殘臘初相見。新春手又分。客中難作別。淚雨自紛紛。

江行風順喜作

江流向。下風向上。萬頃江心壯風浪。我舟乘風源上流。
榜人篙子神俱旺。阿姨相助如有情。布帆無恙檣鳥鳴。
灘石纍纍穿箭過。青山倒曳春雲輕。朝發錢塘江。暮抵
桐君塔。桐州梅花招我前。水漲花枝與篷搭。欲折未折
舟已過。紛紛香雪飄吟榻。喜風送我早還家。惱風催我
未折花。吩咐花枝莫飄墜。明朝轉櫂攀杖牙。

桐江雜詠

繞郭煙巒潑翠成。春風暖送畫眉聲。阿儂未飲錢江水。可似桐江一樣清。

明堂小艇泊平沙。薄暮寒煙罩碧紗。織手推篷看

月上。一江春水浸桐花。

洲上梅花山上松。春來香翠積重重。松聲不到扁舟裏。

只有梅花伴著儂。縣東有九頭松。又有黃呈體。與士家。九里洲梅花極多。

石級縈迴鳥道艱。燒香九日盡登山。桐君煉有長生藥。

肯把靈丹駐妾顏。

雪門詩草

卷二

悠游集

三

答宣聘侯同年詢桐邑

桐岡巢鳳舊堪誇。天遣清狂攬物華。秋老一江紅相葉。

春深九里碧梅花。瑤林雲護仙人宅。繡嶺星懸處士家。

兩岸畫眉啼不斷。蘭橈翠袖更琵琶。

謁嚴先生祠堂

清飲嚴灘水。敬拜先生祠。秋天薦寒菊。破壁多殘詩。布

衣元英子。旁列馨香思。祠中旁設布衣方千位。千秋懷古蹟。清風

飄吟髭。蕪沒山徑窄。巖峭雲氣奇。釣臺入絕壁。高高不

可追。仰見石筍側。蒼松挺橫枝。

送阮範書之任天台

名恩洪文達公孫

行○盡○剡○溪○輟○棹○回○福○庭○華○頂○翠○屏○開○入○山○應○被○桃○花○笑○
不○約○劉○郎○獨○自○來○

藏石名山姓字傳○重來文達本神仙○於今剖竹孫枝去○

一路花驄飲舊泉○

文達撫浙時借劉金門學使遊天台題劉阮重來於石

雲中端合種胡麻○近道千巖粟殼花○一律芟除留惠政○

莫教滋蔓毒烟霞○

去歲余遊關嶺頭○楊梅飽啖火雲愁○蟬聲此日催殘暑○

一路涼風桂子秋○

雪門詩草

卷二

悠游集

二

再贈阮範書

阮郎騎鶴揚州客○為愛天台入甌越○可惜尋春春已歸○
雲迷洞口桃花歇○滿目瘡痍下手難○撫今未免懷先澤○
先人相國玉節馳○正值湖山全盛時○萬松嶺上探梅蕊○
冷泉亭下哦新詩○三竺煙巒鬪金碧○六橋楊柳垂瓊枝○
魚鹽尚擅東南美○泛海安瀾騁遊軌○至今湖上阮公墩○
碧草青苔跋珠履○二十年來變態多○桑田幾度起微波○
朱崖惡颶倏東轉○舟山飄沒濤嵯峨○罔象天吳紛邁迓○
鯨人泉客雕金戈○吞舟茹甲極恣肆○東方杼柚空如何○

邇來蜃市雖消弭。海鏡無復青銅磨。嗷嗷征鴻唳中澤。
宦游空歎銷金鍋。高牙大纛羣束手。牛刀小割其如他。
才人官卑原寫意。蜺旌敢復矜門第。且抱挈經堂上書。
低頭苦索前人義。一篇庭訓作官箴。承家清白誇廉吏。
明珠性耀桂根高。世途誰識青雲器。彈琴我昨海邊遊。
攜手同登第一樓。知君食德常懷舊。愧我操刀未有謀。
人海波瀾爭起伏。白雲湖上終悠悠。且向西泠沽酒去。
冷吟閒醉學江州。

題廖梓臣課耕小照

雪門詩草

卷二

悠游集

五

吾儒未暇藝黍稷。日展犧爻占雉食。謀道常箴越畔思。
逢年敢詡耕田力。胡爲青笠綠蓑場。丹青乃置君在傍。
柳陰荷鋤日當午。紫陌分秧初夏長。白叟黃童赴東作。
杏花卷地村路香。蠶耕坐嘯甘辛苦。盤中粒粒爲誰嘗。
君言昔客江淮地。兩淮民力傷疲匱。買新糶穀五月時。
不以瑁歌佩璲昨來作。宦遊臨安嘉湖又復形。彫殘
連檣挾櫓轉漕運。租吏索課排門攤。南人種穀北人食。
積紅朽腐空長歎。爲問金張族。果否能辨麥與菽。日糜
天廚升斗祿。農之家一食粟六爲問荷戈人。果否能知

鋤禾辛。飛芻挽粟供雕輪。執水坐食秋復春。此圖可異
邪風陳。晚種早糶殷。詢楊繪勸農車騎屏。衡陽督課
馬蹄輕。古今一樣艱難念。素食誰甘三百困。我本瀟湘
一腐儒。自餐粗糲薄雕胡。瓊禾玉粒既無分。如龍冠蓋
誰前趨。覽君圖。增躊躇。買鏡聲聲叫春霧。勸君莫讀歸
田賦。山城秧馬驚鼓。且共坡仙武昌去。時梓臣將由
武昌返湘而

湖北防堵需
人故及之

長沙信繁夜坐遣悶

時事今難說。高秋夜又中。一燈過早雁。雙柝叫寒蛩。淡

雪門詩草

卷二

悠游集

三

月雲流白。疏花露泣紅。深愁洞庭水。波浪起西風。
楚信羣來問家書。我亦無思親。當暮歲。報國想醅。儒瘴
雨應連粵。秋風獨在吳。排愁向何處。明日出西湖。

吳山玩月

開盡荷花懶出城。六橋楊柳作秋聲。家鄉千里烽煙逼。
獨向吳山看月生。

寫憤

小舟無力撼蛟鼉。欲渡雲生喚奈何。不識排龍樟木艦。
篙師底事怯風波。

初冬泛苕溪

小○春○時○節○暖○東○風○西○上○苕○溪○夕○照○紅○淺○碧○鱗○鱗○灘○水○涸○
蓼○花○搖○曳○打○船○篷○

曉過富春

嚴○霜○猶○未○下○江○樹○已○先○紅○獨○有○垂○楊○柳○青○隄○上○籠○燕○
子○盡○歸○去○寒○鴉○朝○日○烘○曉○光○破○凝○碧○江○色○仍○空○濛○渡○口○
遲○行○客○觸○尾○搖○漁○翁○炊○煙○遠○村○出○曖○曖○竹○霧○濛○欲○問○富○
春○渚○推○篷○引○西○風○蒼○然○霧○一○角○城○郭○虛○涵○中○漠○漠○長○天○
表○餘○霞○投○征○鴻○

雪門詩草

卷二

悠游集

聞長沙被圍書憤

三七

粵西叢莽夙有伏戎而巡撫鄭又老病好佛一
以姑息掩飾爲事致慶遠思恩南甯土寇蠭起
于盡銳而花縣逆民洪秀全糾合馮雲山曾玉珩蕭朝
貴楊秀清韋昌輝石達開於三十年六月蓄髮
倡亂於桂平縣之金田村 上調固原提督向
忠武赴粵旋 命前滇督林文忠暨提督張武
壯往均薨於道乃 命前江督李文恭爲 欽
差大臣而以前漕督周文忠署廣西巡撫會辦

軍務師行不利咸豐元年逆擾至貴縣武宣平
南入象州境二月 命廣州副都統烏武壯幫
辦軍務三月李文恭病 命大學士賽爲 欽
差大臣賜以邊必隆刀由部庫內庫各發餉百
萬率都統巴清德副都統達洪阿侍衛開隆阿
總兵長壽長瑞軍機章京丁守存聯芳火器營
烏蘭都率京兵出都 命鄒壯節爲巡撫四月
李文恭薨於武宣五月烏武壯敗賊於象州六
月賽相至粵敗賊於桂平之新墟七月又奪其

雪門詩草

卷二

悠游集

三

雙髻山八月破賊於風門均已而向忠武失利
達武壯與烏武壯不合亦小岷賊乃竄陷永安
州稱僞號九月賽相移營陽朔十月烏武壯大
敗賊於莫家邨遂合兵圍永安烏武壯謂賊勢
悍猛堅忍不宜與戰宜開長濠以困之向忠武
主圍城缺一之說以與之抗至二年二月十七
賊果從缺處衝突潰圍戕我總兵長壽長瑞董
先甲邵鶴齡走牛角徭山出馬嶺竄六塘墟以
撲省城而我兵之圍永安者反在後烏武壯提

兵疾趨追及之受礮傷足陣亾省城被圍者三
十一日四月賊棄省圍走興安以攻全州都司
武昌顯力戰却敵賊以地雷破城闔城殉難并
焚壽佛寺全州踞湘水之上流若逆踪由永州
衡州進順流可達長沙時江忠烈從烏武壯軍
出繞出賊前駐兵蓑衣渡伐木爲堰伏兵西岸
擊賊舟斃僞南王馮雲山賊乃由東岸以趨道
州提督余萬青棄城走六月連陷江華甯遠江
華訓導歐陽復罵賊死之遂陷嘉禾藍山以撲

雪門詩草

卷二

悠游集

五

桂陽州知州李景詔李惠人中丞之子也禦賊
陣亡二十九日城遂失七月陷郴州踞之別遣
僞西王蕭朝貴李開芳率悍賊二千人由永興
茶陵醴陵以襲長沙河北鎮王家琳率兵堵安
仁聽賊過不擊時總兵和春常祿李瑞德亮俱
尾賊後七月廿七陝安鎮總兵福誠金塔寺副
將尹培立禦賊於南城十里之石馬鋪夜被襲
陣亡廿八日遂抵城下始匆促閉城長沙地勢
東南高而西北低南郭人煙繁富官紳議修土

城以蔽之木以衛民而不啻保寇賊至踞其中
我兵轟蕭朝貴殪之九月洪逆全股繼至穴地
以發地雷者三次九月二十九轟缺奎星樓參
將張協中槍陣亡副將鄧紹良大呼躍殺得保
全城十月初二轟缺金雞橋十八日又轟魁星
樓俱堵之不能入我援兵漸集繞圍土城賊惟
西南可以渡湘水先是有兵扼對渡龍飛塘已
而撤去賊乃結浮橋以渡十九日解圍去竄甯
鄉入益陽由臨資口擄船以渡洞庭撲岳州湖

雪門詩草

卷二

悠游集

三十

北提督博勒恭武先三日棄城走岳州遂陷當
賊之初至長沙也賽相總城入憤甚日督責諸
將勦賊已而改命徐廣縉各將官坐以待徐
徐至湘潭不進總督程喬采又居衡州以居中
策應入告不肯來湘湘中前署撫駱因有蜚語
故朝命授雲南撫張撫湘龍飛塘防兵之撤
人疑當軸以南城三次被轟困賊於土城中終
恐急而致決乃撤是兵亦圍城缺一之策也然
賊自困土城後由七月廿八至十月十九合八

十一日糧藥已盡新附者漸散實不過萬人賊

勢已感失此不殲一入長江勢乃不可制矣

蓄○髮○逆○謀○深○妖○氛○出○桂○林○連○營○猶○自○衛○狂○寇○已○長○侵○虎

豹○縱○橫○勢○貌○糾○去○住○心○瀟○湘○秋○月○白○殺○氣○竟○沉○沉○

剗○削○吳○藩○後○承○平○二○百○年○烽○煙○一○朝○警○心○膽○萬○家○懸○西

寇○氛○初○惡○南○城○火○薄○天○親○丁○三○十○口○遙○望○涕○漣○漣○

聞○道○今○年○夏○環○城○已○浚○脩○家○書○時○慰○我○遊○子○不○應○愁○避

地○知○何○處○重○圍○豈○至○謀○高○堂○垂○白○髮○未○慣○睹○戈○矛○

愧○我○潘○輿○迂○遲○遲○志○未○伸○瘴○防○滄○海○厲○山○隔○白○雲○親○螭

雪門詩草

卷二

悠游集

三

陞○陳○情○悔○鷓○原○急○難○頻○此○身○非○燕○雀○羽○翼○插○無○因○

昨○變○旌○旗○色○應○能○解○此○圍○城○狐○祛○內○應○野○兇○挫○先○威○戰

守○機○宜○慎○遷○延○役○已○非○釀○成○癰○不○決○此○咎○竟○誰○歸○

春○暮○全○州○失○蠻○煙○接○楚○氛○湘○流○無○急○浪○浯○上○有○雄○軍○何

事○嫖○姚○月○長○連○响○嘯○雲○不○須○矜○福○慧○壽○佛○劫○猶○焚○

防○水○竄○山○郵○櫂○槍○指○道○州○梅○炎○添○暑○瘴○竹○淚○動○離○愁○旁

掠○藍○溪○涸○潛○探○桂○水○幽○材○官○執○水○玩○狐○火○夜○深○籜

我○友○歐○陽○子○同○攀○貢○樹○春○選○官○纔○秉○鐸○挺○節○竟○忘○身○升

斗○知○非○志○詩○書○且○報○君○東○風○聞○杜○宇○此○後○總○傷○神

纓○報○蓉○山○失○旋○聞○橋○井○傾○秋○風○生○殺○氣○十○日○陷○三○城○獨
有○青○蓮○族○能○捐○白○刃○生○國○殤○真○不○愧○老○淚○莫○縱○橫○
柳○水○去○長○沙○郵○程○六○百○賒○城○空○惟○宿○燕○幕○捲○總○棲○鴉○偵
報○銅○丸○絕○嚴○關○鐵○牡○斜○似○聞○河○北○鎮○陣○解○避○盤○蛇○
銅○馬○往○來○輕○難○將○秦○牘○呈○馳○驅○多○間○道○收○復○總○空○城○退
保○謀○先○決○居○中○策○有○名○熊○湘○根○本○地○諸○將○漸○移○營○
弓○滿○彎○秋○月○濠○平○隱○地○雷○軫○星○光○閃○爍○雲○麓○勢○崔○嵬○紅
葉○牙○旗○颭○青○楓○畫○角○哀○相○公○憂○憤○極○冒○險○入○城○來○
莫○道○前○車○覆○誰○知○易○將○難○長○途○驄○馬○戀○恩○澤○寶○刀○寒○天

雪門詩草

卷二

悠游集

三

帑○供○裘○費○輜○糧○佐○鼎○餐○昭○山○無○限○好○緩○帶○且○盤○桓○
蜂○蠆○時○分○合○關○山○聽○去○留○窮○追○來○百○粵○震○伐○已○三○秋○鄂
渚○愁○雲○起○瀟○湘○入○漢○流○邊○憂○成○腹○患○何○處○扼○咽○喉○
未○報○南○疆○靖○長○懸○北○闕○心○君○王○今○減○膳○戍○役○早○沾○襟○
霜○重○瑠○戈○枕○秋○深○萬○竈○陰○鄉○情○和○國○計○遊○子○并○哀○吟○
路○遠○音○難○確○愁○深○氣○轉○豪○米○鹽○荆○楚○富○組○練○武○溪○高○小
醜○無○難○殄○偏○裨○莫○告○勞○捷○書○馳○奏○日○拚○醉○武○林○膠○

點兵行

駿○馬○不○在○閑○駑○馬○盈○天○阜○日○夜○莖○香○其○雕○鞍○裝○七○寶○七

寶空煌煌不堪馳遠道。風沙未夙嘗。何況金鼓擾。
寶刀淬鶻膏。鮫鞞浮珠光。抽刀未殄賊。血流手已傷。古
人學劍術。乃敢衝魚腸。殺人非刃殺。繞指生秋霜。
金注日以拙。瓦注日以巧。壯士射白額。拚與白額飽。自
顧草芥輕。氣薄雲天杪。富貴千金軀。孰攫虎狼爪。將軍
愛惜深。狂寇日僥倖。

太白出東方。金風扇秋夕。遠攻利火具。近殺練矛戟。不
嫻搏刺法。百鈞舉何益。昨日鼓鼙喧。兩軍相逼迫。同隊
四五人。妙手矜霹靂。霹靂聲未鳴。賊騎旋凌藉。鉛彈有

雪門詩草

卷二

悠游集

三

時盡。烏獲空咄咄。

昨次五里墩。今宿十里亭。驅馬向前去。馬戀秋草青。馬
戀猶可策。行行牙蠹停。蠹停白日暮。楚帥醉未醒。駟前
催援書。插羽如流星。

客將何太豪。索酒更索漿。客將亦非豪。性命難具量。沙
場幾人返。中途聊輝煌。水行排巨艦。陸次薄芻糧。農夫
沿路捉。背負梨花鎗。縣官休咄咄。我行正蒼黃。
南登回雁峰。遙望桂林樹。蒼梧雲正愁。遮斷往來路。湘
水去潺潺。征夫不敢渡。戰期日以緩。歸期日以誤。寄書

還故鄉應作長年戍。

十五負弓弩。二十操蛇矛。三十綠沈鎗。怒舞熊羆愁。四十發巨礮。煙漲烏雲頭。五十氣力減。據鞍羞驂騑。博得都護歡。部牒名字留。昨聞點行頻。耿耿心煩憂。但去不必憂。不戰賊即休。

壯兵已前行。羸兵不堪使。軍書絡繹催。調兵趨漢水。漢水入江流。江南愁霧起。濤飛萬里長。處處築深壘。防堵何時休。調遣何時已。將軍猝不樂。出金募壯士。壯士補缺額。踴躍試新技。自慚游蕩人。未慣操弓矢。

雪門詩草

卷二

悠游集

三

悲橘州

哀汴兵也

西風捲水瀟湘涸。血色丹楓愁霧閣。勸君莫上西城樓。樓下寒霜飛白削。洛陽義士千餘人。虬鬚紫面神不春。渡河殺賊扼賊要。孤軍蹴踏橘州塵。塵飛蔽天驄馬怒。紫韁苦勒馬不住。窮追直搗薄上洲。狂寇如潮忽回注。分兵抄我我陣斷。倉卒首尾不及顧。鼓鼙聲絕寶刀折。慘慘寒風拔江樹。昭潭突湧蛟龍愁。萬頃玻璃化碧流。征人已暴炎荒骨。戍婦空思明月樓。

降虜詞 歎失機也

長沙戒嚴日。賊踞南郭城。我兵繞郭圍。三面逼其營。惟西可偷渡。盈盈湘水清。湘水深且濶。妖狐殊錯愕。對岸壓扼之。舟梁何處託。况來降虜詞。操刀在此時。殺虎及其餓。殺賊及其饑。叩頭啟將軍。將軍醉未聞。但盼解圍去。巧奏邀奇勳。奇勳日以隆。賊勢日以肆。釜魚不肯烹。腥風漲天地。

潮州勇 歎不戢也

髮結大如拳。剽悍潮州勇。金風殺氣來。湖湘日洶洶。出隊棄盛甲。赤體裸民種。平生慣械鬪。海瘴鼻息湧。募集

雪門詩草

卷二

悠游集

三五

果何人。搜掠黃金擁。妖氛未剪除。原野增騷動。將軍豈不知。隱忍留蟻蠊。裁汰失歸宿。變亂不旋踵。艱危自古然。父老莫深恐。

